

重修吳川縣志

吳川縣志卷七

人物

列傳

宋

鞠杲邑人

故居在今北十一都温村

河南鞠詠之後

盛志

舉元祐進士

元符中年入汴京上書排章惇蔡卞等罪辭極抗直

惇怒以杲隸黨籍遷謫坎壈終身

阮通志

崇祀鄉賢

府志

案杲隸黨籍名不見於元祐黨碑或頗疑之不

知杲事跡已見宋王象之輿地紀勝決非後人

偽託考崇寧元年立黨人碑於端禮門籍宰執

以下百二十人謂之姦黨其元符上書者定為

吳川縣志卷七

人物 列傳

邪上邪中邪下三等又五百餘人及三年重定

元祐元符黨人刻石朝堂則三百九人耳杲非

大位其在三百九人外可知無庸執碑生疑也

吳頤字味淡

上郭人

其先閩人宋進士保金八世孫也天

性剛正學力深邃景定甲子舉於鄉咸淳乙丑特奏

第四名進士授光祿寺卿遭時多故致政旋里培嘗

業廣孫謀厥後科名蔚起盛德之報固不爽云

據道光李

志修

案宋制進士諸科正奏名之外凡士貢於鄉屢

絀於禮部或廷試所不錄者積前後舉數參其

年而差等之遇上親策士則別籍其名以奏徑

許附試謂之特奏名文獻通考云開寶三年詔禮部闈貢士十五舉終場者賜本科出身此特奏名恩例之始景祐初詔令諸科五舉及嘗豫先朝御試雖試文不合格皆以名聞自是循以爲常然則頤之鄉舉不自甲子始也鐵圍山叢談曰特奏名本錄潦倒於場屋以一命之服收天下士心得一文學助教之目而已或應出仕止許一任吳孔光永樂十年祠堂記曰特奏公進以科第贈七世祖爲迪功郎傳作授光祿寺卿案通考建炎後裁光祿寺併歸禮部則理宗時無此官舊傳頗多舛迕辨明於此

吳川縣志卷七

人物 列傳

二

李凌雲

其先閩人宋進士穆子居中街

生有淑質穎異能文及長厚重

寡言以博學篤行舉於鄉淡靜不仕崇祀鄉賢

府志

陳惟中字子敬寶祐四年進士任文昌縣景炎中端宗

遷碭洲惟中轉餉艘至井澳將趨碭洲元將劉深帥

水兵來追張世傑前鋒稍卻深縱火焚艦惟中與吳

川司戶何時方朝食投箸而起親冒矢石俱被創力

戰值天反風我艘乘上流亦縱火深兵始逃

府志

陳子全惟中兄也以太學上舍爲廬陵丞景炎丁丑聞

元兵陷臨安與主簿吳希奭尉王夢應起兵勤王復

袁州元兵敗走已而湘部諸郡縣相繼陷沒子全中

流矢死希奭力戰亦死夢應收殘卒趨永新圖後舉

力不能支亦死廬陵種三忠立祠祀之府志

案宋史及鄧光蕃督府忠義傳均有陳子敬無

陳惟中史曰天祥入汀州陳子敬自江西起兵

來會傳曰陳子敬贛人以資力雄鄉里是子敬

非吳川人又文天祥榜進士題名錄無子敬亦

無惟中是惟中更非寶祐四年進士且何時起

兵撫州本以進士知興國縣無謫吳川司戶之

文又陳子全與吳希奭王夢應等起兵邵永間

史及傳皆曰攸縣士人與贛縣陳子敬無涉且

三人惟夢應舊為廬陵尉志謂子全為廬陵丞

不知何本大抵宋室既亡忠義之裔多流寓海

吳川縣志卷七 人物 列傳 三

濱舊志波及亦未可知那蒙陳氏譜謂惟中即

子敬乃其六世祖似未細核史傳

元

劉承忠邑人元末官指揮使江淮蝗旱督兵逐捕揮劍

驅蝗蝗飛境外元亡自沈於河江淮間咸祀之稱為

劉猛將軍雍正二年 上諭各省府州縣建廟春秋

致祭據大清會典安
徽通志蘇州志修

案安徽通志 國朝巡撫陶澍碑記神名承忠

吳川人元末授指揮使嘗揮劍驅蝗蝗飛境外

元亡自沈於河因封今號見於降靈錄而怡菴

雜錄謂宋江淮制置使劉錡因驅蝗理宗時封

揚威侯天曹猛將之神二說皆可徵伏查 大清會典主降靈錄故廟額仍題劉猛將軍云又案蘇州府志云相傳神姓劉名銳卽宋名將劉錡之弟歿而爲神怡菴雜錄竟以劉錡爲猛將今考畿輔通志劉猛將軍名承忠廣東吳川縣人元末官指揮江淮蝗旱督兵逐捕後因元亡自沈於河土人祀之舉 會典云雍正二年奉旨祭劉承忠於各省府州縣神能驅蝗世稱劉猛將軍據此則神當爲劉承忠非劉錡兄弟也今靈巖山盈豐莊有宋景定二年封猛將神敕亦係好事者僞撰不足憑又考松江府志引吳川縣志卷七 人物 列傳 四

歧矣

張友明邑人元至正九年海寇犯合浦逼瓊山宣慰司檄化州路通判游宏道以友明爲義士因同會高瓊廉諸郡兵船數千艘追寇於海南澄邁之石礮港時寇窮蹙死戰友明爲先鋒與戰俄而海南番兵赴水走寇乘勝四合諸官兵皆潰惟友明與宏道木檣飛

石龍

羅武德

武德將軍廉州路同知羅仕顯

俱以戰死邑人至今思

阮通

祀鄉賢

周志

明

黃紹欽邑人

採訪冊

洪武十六年由明經授永康縣丞愷

悌寬厚愛民如子不為貨利所動民有賦投於官而
所輸不足輒代以已俸勿責其償事苟利民必委曲
善處之法令之輕重錄兩不少假借宋濂曰若紹欽
者真廉且惠其古循吏之徒歟

浙江通志

案浙江通志作交州吳川人阮通志云今高州
吳川古不屬交州細繹交高音近殆誤也

林廷獻字公器號南峯世居下郭受業陳白沙登宏治

庚戌進士初令永嘉開拓學宮興起斯文

黃通志

宏治

九年由永嘉知縣陞蘇州同知勤敏有才幹奉身廉
約嘗部糧至京師畢事而歸於民無借貸郡委監造
夏周二公祠不兩月堂廡門垣裝治皆具而費銀纔

吳川縣志卷七

人物 列傳

五

六百星又嘗奉巡撫檄清理崇明沙田產丈量宿弊

盡革後遂遵用其規

蘇州志

嚴革織造陋規大甦民困

黃通志甫三載以憂去

蘇州志

後補建昌同知清戎裕餉

以廉名著

黃通志

既去士民建生祠以祀生平篤志理

學功名富貴淡如也

黃府志

案舊府志由永嘉遷

不如蘇州志年數分明縣志選舉

從祀永嘉名宦

册祀郡邑鄉賢子二長秉全字子行正德丙子舉人

建甯通判次秉性字子存嘉靖間明經吉水三簿

舊志

廷獻奉寄陳白沙先生詩經年不見先生面此日誰
開後學茅久欲傳詩無淨稿更從何處解新嘲畫師
縱得青山妙一幅難量萬仞高會
了方圓圖學意千年終有一人豪
明新會陳獻章贈林南峯詩黃甲科名重一時病夫
何早閉齋闈洪鈞賦子一如是問我去來都不知人

畏丹青應自試道能舒卷更何疑天機莫道難尋處
山崎川流盡我師又寄懷林子南峯詩擊玉又敲
金思君對我吟江門臨水坐明月二更
深案二詩白沙集失載今墨蹟尚存

明茶陵李東陽贈林南峯之永嘉詩楚客曾經粵地
遊每從杭土說温州城因海近魚鱗入山為霜繁稻
更粥民力故知非往歲甲科今已得名
流登臨不與承宣事肯放功名過黑頭

明化州陳珪題延慶後兄廷璋像瀾海浴日翠岫炫
文誕生吉士暇索漁填名早撥銳志瓊林公車屢
上弗就縉紳玉樓銘召璧埋金修文
地下顏卜等倫駭鴻

明南海倫以諫題廷慶像星輝玉良海渺蕪芳繡虎
言就刺犀擅長郎星移度佐我黃堂功成熊羆帝錫
鸞章厥父厥母實為顯揚嗣有二秉式紹書

香兆珍其閩居國之光百千萬祀斯宦斯鄉
明茂名李學會送子行甥會試詩舊日文章羨大家
今朝收拾上征車一枝聊贈長亭柳萬里爭看上苑
花鳳闕曉鐘趨左掖馬蹄香土趁東華

丹墀獨對重瞳問須道苞苴盡海涯
明定安王宏誨題林秉全像惟公亭亭東髮受經已
千已百磨就青萍有天不負秋鶚搖翎登壇三載食

吳川縣志卷七

人物 列傳

六

嶺十齡學優而仕別駕建寧金籊不滿書囊惟
馨南峯之訓一枝來青而子而孫亦敬而聽

吳稟純號養吾居上郭賦性端厚時大疫其父母及祖

父母均卧牀禱骨肉中亦有避去者純夫婦扶持左

右嘗藥浣衣既而病者相繼不起昕夕號痛復值海

寇焚掠毅然不避喪櫬獲免遇歲饑覓升斗必分之

昆弟由萬厯間歲貢授高要訓導遷感恩教諭給貧

士膏火謝絕脩脯講課勤懇崇禎間郡邑諸生高其

德僉舉鄉賢二子長紹鄒字道宇生而穎異為博士

弟子數奇不偶以明經終生平至行純篤父卒官哀

痛幾絕扶櫬歸里不為俗移殯於中堂撫弟妹咸盡

力族人興化別駕廷彥宦歸自閩歿於羊城無子遺

二妾爲經理其喪籍其橐授之織毫不私次紹洛字緒宇庠生持已嚴正訓五子皆成立喪父哀毀致疾葬祭盡禮崇禎間授儒官延大賓壽六十大學士陳子壯序之紹鄒子鼎泰鼎元別有傳紹洛子鼎和天啟辛酉舉人性孝友少年喪偶人有勸其續婚者毅然矢不再室篤志嗜學襟期遠大不仕卒據舊府志合修次子鼎夔崇禎歲貢持已德禮是尙訓子義方維

嚴與修邑志據盛志選舉表注修

吳鼎泰字葆中號陽衢性孝友執親喪哀毀骨立終年不御酒脯少篤志於學垂髫試高等領餼萬應己酉與弟鼎元同舉於鄉崇禎戊辰成進士初令江陰六

吳川縣志卷七 人物 列傳 七

年定條鞭公役米革官戶嚴寄莊禁腳馬繩耗羨捐俸備荒沙田充餉移倉于青陽省遞運之費癸酉分校南闈網羅名士以脂韋弗工改調去邑人建遺愛祠祀名宦焉任東明值流寇披猖有捍禦功移浙之龍泉清慎如素甫三月解組歸里置祀田設義學助婚喪族黨僉受其賜崇禎十一年卒壽五十有六崇祀鄉賢據舊府縣志採訪冊參修子士望康熙二年癸卯科舉人稟性澹雅兩修邑志公正服人據盛志選舉表注修

案盛志鼎泰任龍泉三月解組歸里阮通志黃

府志俱作官至兩淮運使

吳鼎元號仁衢任袁州府推官折獄明允遷太平奉詔

討河南賊設策勦撫渠魁李荆楚授首民獲安堵當
事上其功晉順慶府同知未幾歸黃府志從祀邑鄉

賢道光
李志

吳一善改名應祥上郭人萬厯乙卯亞魁第七名稟性端嚴

澄心嗜學不欺暗室廉潔自守惟以成就後學為懷

七上公車不第母老家貧始授雷州徐聞教諭闢門

鑿渠改學建署徐之士稱誦之丁丑會試旅寓南雄

寺中以疾卒甫歿陞象州知州黃府志

林有譽號匪溢下衛人髫年失怙母脫簪珥課學母歿哀

慕不忘萬厯末歲薦初授湖廣靖州訓導適州官以

酷烈激變諸生競謀幾毀 聖宮有譽以大義叱之

吳川縣志卷七 人物 列傳 八

乃罷去厥後悔禍繪象以祝焉直指疏薦云清怡粹

品博雅宏才時已晉封川教諭五閱月以前剡章轉

鄖陽衛經歷不就歸與子弟講學賦詩自娛有宦途

倦飛二集家居二十餘年長吏罕識其面郡守靖州

黃朝英慕其學行嘗造廬焉據舊府志子玉瑩自有傳

李擅懿三栢人貢生秉性孝謹持已端方值兵燹為寇所

擄欲脇降之不屈遇害

陳以類乾塘人庠生早失怙恃事繼母純孝母疾篤徬徨

無措赴父墓前號泣竟日願以身代至夕夢中忽若

父告之曰母疾得烏魚羹可救達旦入海遍求弗得

望天痛哭忽有白鷗啣魚飛墮於前持歸作羹母疾

果愈他日母又病思鮮蠟時盛寒解衣入水取盈筐歸奉母病復愈士大夫賦詩美之李都諫學會爲作序郡守陳宏載擬薦於朝因謝事不果舊府志

吳世紹上郭人父歿事母孝母病瞽行哭求醫時以舌舐

睛目尋復明一日樵於隔江聞母暴病不暇待舟乘

筏而渡竟溺焉其後子廷彥萬厯乙酉鄉薦任興化

通判人謂有天道阮通志

吳龍上郭人一庠生髫齡嗜學清介自持非公不至宰

庭市井罕識其面萬厯間賓於學宮授冠帶舊志子夢

顏庠生立心謹愿制行詳審凡任公事務期底績雙

峯塔之建功居多焉邑令周應鰲推重之同顏子光

吳川縣志卷七 人物 列傳 九

宸例貢生採訪冊

林邦達林時淳俱諸生下街人邦達稟性樸茂不蓄機巧

邑人之稱厚德者必歸焉時淳內行純備敬二嫂教

猶子成立扶植善類舊志合修

林朝弼庠生下街人居家孝友處里閑周及貧寒蓋今人

而行古道者也孫蘇亦庠生苦志窮經數奇不售以

德禮持躬義方訓子多士樂從之里人咸稱高行俱舊志

蘇子震煜歲貢生兩修邑志嘗作輿圖說採訪冊

吳日新吳明宰俱諸生上郭人日新雅志清操行誼無忝

於鄉評固邑之好修士也萬厯二十年介賓明宰情

行無媿勉力報其嗣祖友于誠篤與人樂易教子義

方舊志合修

吳人傑庠生上郭人性質恂恂始終以清白自守從子貴

增生行已謹愨設教方嚴事親誠孝俱舊志

林引鳳下街人正直不阿壯老一節姓名不掛訟牘萬厯

間推介賓又林懷林愷兄弟也懷仗義好施性剛直

有古俠士風愷性剴亮冲怡於世無忤且嘗周人之

急俱舊志

張才賦諸生生平樸茂禔躬不越繩矩族多逋賦能率

先急公不為俗移萬厯間介賓據舊志修

林永喬下街人歲貢憲武孫也事父母孝處兄弟和輕財

仗義設粥賑濟具舟於白沙公子二渡以利涉親戚

吳川縣志卷七 人物 列傳 十

不能婚葬者周恤之以高年舉鄉賓邑人推重焉舊志

子迺焰孫中松中檜俱歲貢生採訪冊

吳道中上郭人諸生坦直自矢仗義侃侃吳邑艱鉅之事

多取決焉崇禎間鄉賓邑人咸稱不忝所舉子睿例

貢生賦性樂易不以世務櫻心教子仲超成立人謂

盛德之報舊志合修

麥嘉光院村人父璣歲貢生官江西廣信府教授嘉光壯

游鬻序晚年隱居沈靜寡營處家勤儉與眾無忤稱

潛德焉三子峻歲貢生官福安教諭四子倫天啟舉

人官嘉興通判據舊志及麥氏譜參修

陳紹顏字愚發大院人祖孔文文帝詔俱廩膳生紹顏貢

文名爲邑令王泰徵所賞崇禎十二年己卯中式第
四名舉人紹顏夙有血性明祚既覆韜迹山林間久
之聞魯王在臺灣紹顏招募數千人將應之至福建
爲官吏所殺函其首回吳川先是紹顏髮素長且未
經薙削至是家人贖其首歸累兩桌加椅其上置首
以理髮髮猶委地云時紹顏同族陳參兩亦己卯舉
人陳聯第壬午舉人皆抱節不仕紹顏子會啟康熙
間歲貢生據見聞錄陳氏譜採訪冊參修

常宗思

常村人

崇禎初選貢官金華通判率迪宗黨嘉言

懿行有古君子風享年九十有六士大夫推碩德焉

長子懋庸崇禎壬午副榜次子修庸順治初歲貢

據舊

吳川縣志卷七

人物

列傳

十一

志表
修

李旻李勗再從兄弟也旻歲貢夢周子萬曆二十三年
選貢官太倉州判陞周府審理文行兼優稱古君子
與修邑志旻子宏泰例監生考授通判敬以持己讓
以接物宏泰子孫賢別有傳勗恩貢生卽世嘉孫也
由歲貢官番禺訓導靈山教諭肇慶教授友教多士
咸沐薰陶之學諸生立碑以志不忘與修邑志孫孫
豸例貢生孫虬歲貢生據盛志選舉表注修

李仲煌萬曆間歲貢任潮州訓導雷州教授持己嚴正
足爲多士坊表兩庠建祠尸祝後遷淮府紀善陳奇
偉林迺焰俱崇禎歲貢奇偉秉心恪謹制行狷介迺

焰旌獎尙義兩修邑志林祉亦明例貢事一母間言
不生處鄉鄰賙恤不吝據盛志選
舉表注修

國朝

吳士衮鼎泰次子貢生性孝友好學能文年長當婚遭
親喪朝夕哀毀有勸之娶者以大義拒之處同氣恩
義俱至勵族黨以廉恥好施尙義瘞枯骨賑饑寒終
身不倦順治十四年有司旌獎尙義數奇不遇士論
惜之舊志士標鼎和子廩生少失怙恃依祖父母盡孝
好學能文葬父母至罄家食貧終身全騰雲鼎和孫
康熙間歲貢質直樂善好學不倦曾與修邑志據盛志選

舉表注修

吳川縣志卷七

人物

列傳

七

吳奮第

上郭人

貢生謹厚持己和易與人因遷界產業悉

廢甘貧如飴久厄場屋困頓成疾年未艾而卒輿論

惜焉

盛志

林玉瑩有譽子貢生博學能文父病腹結藥餌弗效力
禱於家廟願以身代尋愈父歿事母亦盡孝卒後營
喪葬痛哭至絕廬墓期年事兄友愛彌篤盛志

案玉瑩行餘集康熙王子有選授雷州詩末聯

云紹述典型施教育靖州遺澤到雷州丁巳有

領平藩金督圖劄復職詩起聯云冷局青氈拜

一官陡然世事又更端是三藩亂時失官歸正

後又領職也考康熙二年各府州裁去訓導十

七年乃復舊玉瑩宮在十一年固雷州教授也
舊選舉表不載其人傳不誌其官雷州志亦不
列其名豈總督金光祖革職後玉瑩亦失職耶
又考麥氏譜麥方惠康熙間歲貢官電白訓導
志但書廩生其情節大抵與玉瑩同至陳彝典
爲明末歲貢見亂離見聞錄志亦不書者殆死
於知縣高鴻飛手黜其名也

林全初

下街人

郡學諸生持已耿介訓子義方處異母昆

弟無間言甥孫幼失恃撫恤成立順治十七年舉鄉
賓子天秀廩生敦孝友文行丕著後進樂其教育鄉
里仰其謙光稱古君子秀子瑤植亦庠生父歿偕母

吳川縣志卷七

人物 列傳

七

避寇化州蓬門疏食奉養倍殷母卒絕粒數日哀毀
踰常適風雨夜作屋茅盡捲零雨及棺乃解衣以覆
衝寒成疾病亟顧柩未掩抱恨掩泣以逝進士周鳳
來題其墓舊志合修植子紫雲紫芝自有傳採訪冊

林迺炤

下街人

庠生九歲失怙母邱氏撫植迨長苦志力

學勵節敦行儀容莊肅見者避道從子中桂廩生廉
潔忠厚事父母孝處兄弟無間言邑人重之舊志合修

歐陽鳴宗廩生甘貧守道絕迹公門師範嚴正邑人敬

之

舊志

李孫賢字子發

三柏人居中街

廩生事親行已不愧儒者生平

不設機巧可謂篤行之士

舊志

喜裁成後學建書樓於

宅畔延名師課子弟及邑之俊秀故邑人謂之書樓
先生啟禎時貢生吳士袞舉人吳士望處士陳舜系
等皆肄業樓中迨乾嘉間樓尚巋然茂名歲貢招元
儲舉人招元傅等亦從師於此一時成材者數十人
而孫賢之後則曾孫培元孫若香培曾孫玉茗玉荆
玉葭若香孫玉華詩書之報焜燿一時皆自書樓出
識者歎其遺澤遠也據陳舜系見聞錄招元傅
鴻泥雜記及李氏譜合修
李作楫廩生貢生孫虬子也温文爾雅學行並懋屢試
前茅薦棘闈者五舊志
吳之璋府志作璋
誤上郡人增廣生義以正己禮以訓俗勤學
好問至老不怠長子初錫郡廩生居家孝友篤志嗜

吳川縣志卷七 人物 列傳 西

學足跡不履公庭次子載錫歲貢生舊志
合修

陳位中流泗
岸人庠生勁節自守族黨賴其維持邑令張公

顏其門曰不媿太邱舉介賓舊志

林孔昇下街
人廩生素性謙謹不以賢智先人講學課藝

族黨賴其陶成甚多盛志

梁登甲中街
人庠生幼失怙恪遵母訓義方教子獎掖後

學子挺秀挺芳同入泮儀於甲午同選拔嘗拾遺

金不去俟其人還之盛志

易經世上杭
人廩生個儻負才略少年喪親教養幼弟康

熙十三年值兵亂條陳積弊皆切當時事盛志

案見聞錄云康熙間壓甲當差里長供辦經世

條陳積弊於府道知縣黃若香憾之誣經世等
不法事拘囚解省後制軍命焦大廳與府會審
事遂釋

方惠廩生嘉興通判倫子也少失怙事母盡孝訓俗
以行誼為先卓然有先正遺風苦志力學數奇不遇
人咸惜之子二長鉉郡庠生存心溫良待人公正教
家訓俗息訟解爭不愧古人風範次廷英孝友忠信
雍睦親黨有萬石君遺訓廷英子國樹別有傳善志合修
陳廷冠那蒙人廩生敦厚樸直一生不履公門安貧篤學
試屢前茅而設教無私不計修脯士出其門皆有所
成就焉盛志

吳川縣志卷七 人物 列傳 五

李九鼎三柏人庠生幼失怙事母至孝崇禎末為諸生敦
睦族黨輕財好施生平慷慨尚義言行足以服人康
熙十八年海寇犯城結義勇保護鄉井所全甚多邑
令屢加旌獎年八十餘卒府志

陳憲教南三都田頭人諸生孝友端方年踰四十不間定省嘗
館於外有以時菓餽者必先上父母越日介返然後
敢食兄憲輝至館必衣冠迎之憲輝即首魁康熙間歲貢生居喪

三年不御酒肉不入內室家雖懸磬灑如也府志孫振
元者唐基人少聰慧家貧不能卒讀負販為食憲教聞

之妻以女孫助之資俾理舊業遂補弟子員為時名

宿孫氏族譜

楊峻

瑚琳人

廩生性清介賦詩弄琴超然物外親歿撫育

二弟雖成立後偶染恙撫摩備至二弟學業不進輒

歸哭於親之几筵年未三十遭鼓盆不復娶鰥居沒

世焉

府志

楊甘來字衍九

瑚琳人

廩貢生任雷州府教授時寇盜擾

攘甘來與長男道行設策連結鄉民互相保救由是

賊不敢犯鄉里德之壽八十有二第六子志行歲貢

生新寧訓導嘗躬耕北三地屢遭水殃志行詣邑侯

乞緩征以甦民困一方受惠焉

府志

林其翰

下街人

歲貢震乾子也廩生天資卓犖雅有胸襟

為文直追古人不囿於風氣嶺表聲稱藉藉所著有

吳川縣志卷七

人物 列傳

夫

南海文瀾十卷藏於家

府志

陳景濂字東海

居城西山嘴巷

父舜系刻苦自勵好濟人之急

著有亂離見聞錄景濂苦志好學工文章與茂名余

麟傑齊名太守魏男鄭梁深所賞識中康熙乙酉副

榜辛卯舉於鄉未仕卒

據亂離見聞錄及舊府縣志修

麥崇先

院村人

康熙間歲貢順德訓導家貧克孝善誘有

方前志經其手定闔邑咸以為公

沈志

經書自出心解

手著詩經纂要彙選養正金鍼一時學者戶誦家絃

為人秉正不阿在任六載課士一本先民極見賞於

觀風整俗使雋祈年

麥氏譜

楊嵩字伯岳號柱中

瑚琳人

樂會訓導素性豪邁里黨有

疑事而不決者得嵩一言立判家素豐於貧乏兄弟
饑寒友生有所求者皆如欲以給尤孝於事親及父
母歿葬於雷州每月必往省視有終身孺慕之風享
年八十有六子元瑛字玉華號晴窗郡廩生性純孝
事繼母如所生母嘗臥病躬親湯藥歷數寒暑無倦
容迨母卽世幾欲捐生竟以此得羸疾方受業王家
宰時或以多金乞介一言元瑛曰吾行未孚於眾致
人干以私自愧不暇敢尤人乎善謝其人以去其勵
行類如此著有晴窗遺訓一卷述其從游王文肅所
聞經義之異同性理之精與生平用功得力之效驗
以訓其子祖望祖望字副瞻邑廩生性高潔讀書爲

吳川縣志卷七

人物

列傳

七

文卓然成家年十六肄業高涼撰高涼山諸記爲當
時名宿所賞怙恃早世偕兩弟苦志勤學故能成就

如此

據沈志阮通志
採訪冊合修

國朝信宜李世芳追薦序吳川楊玉華先生沒六十年
矣其孫襲曾以今年某月日爲先生生辰走數百里
攜先生遺訓請予文爲追薦之詞陋也非古也顧襲
曾爲予女兒子子曾受業其尊甫孺溪先生又予諸
父與先生前後并出文肅公門則知先生也悉其以
言屬固宜獨予學殖淺薄於先生之學未能窺見萬
一予何言無已則以先生之已傳者與先生之自傳
者傳先生可乎嘗考郡志文苑傳予先仲父雙江先
生所作也其傳先生曰某幼有大志動以聖賢自命
讀書務體認心性眼前實踐不屑爲科舉之學所批
點諸經類多心解爲文古奧直追韓吏部意弗尙也
高郵王文肅公每歎爲讀書眞種子常以陳白沙一
流人期之齋志而歿士論惜焉先生遺訓百餘則其
自道有云我學問從散碎執拾得來辛苦得來細心
尋索得來又云我學問執持堅定又云讀書不可從
會悟入只要實地做去如曾子子思全在身體力行

步步扎實我性情原是一空萬物者今我步步扎實知不是矯制至此耳嗟乎觀於此先生之可傳盡之矣余又何言雖然道義之不明久矣自文肅公督學肇高巡試所至必引多士至書齋命之坐告以體用合一知行並進工夫次第為實驗於五經四子書及先儒緒論下及俗學支離乖割文行兼失之謬從容盡日不厭苦口已乃簡其秀者入院肄業及來撫粵復招致署中口講指畫若布衣師弟然於吾郡則予叔祖遠溪先生伯父良齋仲父雙江兩先生及梁先生煥震若而人而先君子則文肅公為禮部時留邸舍授業者先生與諸君子類皆守一師說不染俗學實用其心於正誼明道者然在當時文肅公已云屈指數人落落如晨星今先生下世已久諸君子亦皆聞而知之者已少知而好之者蓋世變風移微言將絕三人皆以學行世其家季即孺溪先生尤溺苦於學其誨人無日不取文肅公之訓諄諄以命之予之得聞緒論而私淑於先生者以此故表而出之蓋淵源授受不禁重有感也襲會以是歸而道薦之無徒效陋俗具文先生庶有享之也夫

麥國樹字柱臣廷英子博聞強記簡練揣摩一部四書

吳川縣志卷七 人物 列傳 六

題作文殆遍足不出戶庭者數十年屢試輒冠一軍

學憲高郵王安國以孝友端方題薦 恩准優貢旋

登乾隆九年甲子賢書年八十餘猶上公車 欽賜

翰林院檢討致仕家居而五經諸史歲必一過 沈兄

國以增貢生英風卓卓智略過人公正果決鄉黨敬

服人咸以趙清獻王彥方擬之 同弟國材歲貢生 訪

冊

林闡階字雲衢 下街人遷 乾隆廿一年丙子科舉人丁

丑連捷進士家本寒素齠年即自力於學能自得師

後知山西靈石縣甫閱月即拂衣歸閉戶日坐書巢

中了無榮辱之色 沈志

闡階靈石解組記略余少賤多能不逐時好成童時以縣試第一補諸生復以第一人食餼丙子登賢書丁丑成進士家甚貧不喜貨殖而業於醫多所全活又時以文章指畫後進故多士樂就門牆束修問饋藉以自活丙戌隨計入都丁亥待罪靈石靈石地當衝衢供帳繁擾往往征貸民間余甚憫焉冀以養廉之餘置官物以省假借不謂竟以此被議又靈石地險民雜奸賭恣出沒無常鋤莠旌良厥心亦苦矣在任僅五十四日不生事以擾民不怠事以疲民治絲券如事將終而卒以見廢豈非天乎去位之日父老奔走哀窮每欲為吾陳訴余固不使之行者窮達有命非人之所能為也一官何足惜故鄉亦可懷惟是地北天南將成遠別依依赤子愴予懷耳子歸之後願爾士民完逋欠睦鄉鄰敦孝悌畫地刻木共沐太平之休則雖相隔萬里亦猶吾之在靈石也夫菩提寺留別父老詩滯雨連宵淒復淒夜深無語對菩提慈悲孰濟羣生苦定慧吾慟四大迷山疊奇峯圍郭險水蒸靈石觸雲低歸心也共鐘聲斷淚帶秋風落葉啼

吳國倫士表曾孫由歲貢中雍正七年己酉科經魁生

吳川縣志卷七

人物

列傳

五

平嗜學文藝優長設教數十載登賢書者多出其門

邑人咸敬仰之

沈志

林紫雲瑤植子生平孝友廉節當里長艱難時親屬咸

賴其顧恤康熙末由廩貢生任香山訓導勸課殷勤

多士咸沾其化壽八十有八弟紫芝歲貢生任澄邁

訓導篤孝嗜學好義敦行遷巽宮新文閣與修邑志

均有成績

盛志

紫雲子世憲字鶴野少失恃事父以孝

聞隨任香山不離左右同異母昆弟八人友愛均一

乾隆中由歲貢任肇慶府訓導請封後即歸手錄

先儒格言訓其子香賓為根本篤實之學年八十五

卒香賓年弱冠登乾隆壬午科賢書侗儻好義有某

孝廉身故無嗣妻將改嫁香賓捐金以贈俾全名節

司鐸增城卒於官

黃府志

賓子鵬狎廉州府訓導少失

怙恃事祖愛敬甚至析爨時盡推父所遺產與兄溥

章嚴訓弟姪其姑適吳少寡狎與族人謀捐租為姑

立嗣沈邑侯與之契詩文外未嘗干以私司鐸時諸

生有無辜受累者力為調護自紫雲至狎以廣文世

其家

據道光李志修

吳貞為字田味

上郭人

廩生弱冠餼於庠歷擢優等鄉闈

屢薦不售淡如也性嗜朱子書禔躬教人一以忠信

篤敬為宗家貧授徒遠方自甘藜藿而甘脆之奉於

親者罔缺在外父母疾心輒動晝夜調侍無倦祖有

吳川縣志卷七

人物列傳

三

遺產尊者欲析之苦勸不得捐私囊以濟其急生平

正直不阿類如此

李志

次子文中雍正七年己酉科副

榜甘貧嗜學孝友端方

沈志

惜年二十九而卒

採訪冊

林宏朝字衮卿

下街人

性耿介自幼嗜學中乾隆六年辛

酉科副榜選授永安教諭生平淡泊甯靜動必以正

非公事不至公堂楊李二邑侯疊舉鄉賓子式僑式

中俱歲薦

沈志

式中字通南博覽羣籍長於詩友教四

方從游甚眾乾隆辛丑舉都正庚戌董修邑志晚任

海康訓導年七十猶窮經不已壽八十有七式中子

文飛文捷俱諸生

道光李志

陳道源字會中

大居院城內人

父天覺庠生道源沈潛理學得

關閩濂洛之奧為諸生顧學憲仔器重之攜之隨棚
閱卷選充雍正七年己酉科拔貢生 廷試後閉戶
讀書偃室宰至任大埔教諭栽培士類有胡安定風
告歸後邑中事關名教者得道源一言無不悅服真

老成典型也

李志

國朝翰林院侍講顧仔陳宜亭傳翁諱天覺字方卿別
字宜亭其先閩人也始祖朝鳳以宋進士刺高涼宦
滿遂家焉族姓蕃衍代有聞人大父紹曾領郡庠父
光省攻舉子業遭明末兵燹弗竟翁之生時順治十
有七年也幼穎慧頭角嶄然不與羣兒伍甫授書輒
渾然脫口眾謂陳氏有子矣無何海寇猖獗產業蕩
然困感特甚乃翁老不復持家政翁始分舉業功為
頤養計丁丑旋吳年已壯矣區區以諸生老豈其志
哉翁性至孝乃翁疾憂形於色夕則望北叩顙請戒
算延乃翁壽既捐館每遇生諱且雖遠出必疾歸設
奠戚戚然哀號如初喪也翁歸吳後經理故業家道
漸饒族間有貧不能娶死不能葬者傾囊助之州閭

吳川縣志卷七

人物 列傳

三

鄉黨中時濟人之急無少吝歿已歲大饑吳民鬻子
自給翁往往代之贖時有老翁突至其家素未謀面
問之但以親戚對遽曰願濟穀若干石翁如數與之
不復問姓字嗚呼若翁者殆所謂積而能散者耶有
以留餘為翁勸者翁曰多藏厚亡吾之遺子孫者當
別有在也常得陰騭文釋義酷愛之晨夕間常舉以
語其子道源源曰為善思報聖賢所不取翁曰三
代以下有所為而為善不猶愈於不為者耶客至則
彈棋笑語終日不倦好學砥行之士禮意彌虔其力
學無資者必多方扶植務成其材易簣時猶切語後
人曰吾常欲置學田建書舍教吾族之貧而後者今
無及矣汝能繼吾志吾雖死無憾也其好義如此詩
曰孝子不匱又曰凡民有喪匍匐救之翁之謂歟

林春澤

下街人

少負異質為陳景濂所賞康熙四十四年

乙酉膺鄉薦年纔十九後知湖北黃安縣潔已愛民

刑清政簡請

封後即奉

敕歸杜門娛親至乾隆

三十年乙酉科重宴鹿鳴又十年而卒

黃府志

吳霽雲

上郭人

祖鼎臣增生醅謹端方型家範俗凜然不

可犯年七十八卒邑人推其齒德

沈志

霽雲乾隆間歲

貢生好學能文義方訓子每歲延師族有貧不能學

者邀以就讀丙辰歲荒發粟賑濟沾其惠者甚眾子

二元功字敏子號健齋乾隆二十五年庚辰科舉人

處豐履厚謙藹可挹邑中義舉無不捐貲倡首救貧

濟饑施棺掩骼之事不可枚舉大吏與邑令疊旌其

門元方乾隆六年辛酉科武舉賦姿篤厚持已端方

人當急難則解之族有大典則倡之方子滙川亦武

舉俱同上

林叔溪恩貢生敦行好學理解融徹游其門者咸尊仰

吳川縣志卷七

人物

列傳

三

之即鄉里常人見之者莫不加敬

沈志

子為崗增生夙

承庭訓苦志力學晚歲涵養深邃為族正十餘年整

躬率物鄉無訟牘至今父老猶稱之

道光李志

易中字傳伯

上杭人居營盤

父宗亮庠生幼失怙事母色養兼

至友愛兄弟與戚友處八十餘年雖遭橫逆安然而

受惟以不為善自責莊協揆滋圃為文褒之

沈志

中登

乾隆四年己未科武進士授駐京提塘官身列武班

而耽志詩書雅歌投壺灑如也梓里同寅有厄於京

邸者恤之如至戚著有梅溪文稿子三業富高飛連

標皆武舉

沈志

業富字可大博涉羣書善屬文既舉武

科留京九載所與游皆知名士不遇而歸以載籍數

千卷自隨家居手不釋卷雖燕處衣冠必正與物藹然戒後人毋得習武著有槐亭文稿子萃光署雷州

訓導餘多列膠庠

菽山山房集採訪冊參修

國朝御史葛德潤壽易宗亮詩中朝論舊德屈指幾人同胄翹貂蟬貴門聯榮戟崇漢經窮虎觀仙籙受崧峒雲矯千尋鶴鳳高百尺松人才龐處土道脈魯申公石戶踪長秘金閨籍已通鳳還丹穴產駒是渥洼雄冠服秦廷豸年華渭水熊綺筵張瑞靄派影射瞳矚菊汎金光碧花明畫錦紅鯉庭紛采色絳老醉春風擬作龍門客

通家愧孔融

國朝信宜李世芳輓易槐亭詩骨肉飛騰颯爽姿軍門射策冠當時輕裘緩帶風流甚肯作并州一健兒梅溪集後槐亭集兩世文稱一世雄橫槩賦詩佳句好休誇千載有曹公喜形捧檄為親榮旅食京華歲八更底事到頭輕執戟始知高節比毛生家法依稀萬石君先生高義范希文三江騰上停車聽父老謳思四野聞案三江騰係業富倡捐修築故云

吳川縣志卷七

人物 列傳

三

陳國成字秉均

博棹人

乾隆十八年癸酉科舉人為人磊

落不羈爛於吟咏分發浙江試用知縣上憲一見即

以異才目之攝篆錢塘煩劇卓有異政紳民有時雨

清風之目題補仙居未到任卒

沈志

孫鑽唐字研齋增

廣生以詩鳴

淡園詩話

房德勝字明高

城內人

以待衛任湖北遊擊署施南副將

幼失怙性至孝每以王事靡盬不遑將母為心歷仕

途四十載紫誥三頒而孺慕之志弗衰解組歸田

壽八十有二德勝雖以武顯而雅好孺術子貴綬食

餼於庠能承父志

沈志

陳宏功

泗岸人

武生孝友勇敢康熙初流賊時肆劫掠倡

率捍禦族賴以全子三仲梓陞季梓棟俱以明經司

鐸沈志偉論宏功從孫也庠生與弟偉觀幼失怙性至

孝以祖父母與父宦窶未安奔走號泣夢老者命葬

於文曲嶺至山果見老者指示穴處如言開鑿有大

石平坦容三棺葬畢回顧老者倏不見觀者咸駭為

孝感云沈志

鍾漢九有國學生幼失怙事母以孝聞母偶有拂意事

必長跼慰勸色霽乃起遇母病輒終日不食惜年僅

五十而終未竟其志也生平和兄弟睦鄉鄰人無間

言又其餘行沈志

林榮廩生博通經史教育門徒不受修脯前修邑志亦

吳川縣志卷七 人物 列傳 二

與其事焉沈志

吳若宗字公傳士望孫歲貢生清心寡欲矢志學文幼

失怙恪遵母訓尊奉寡嫂產業不爭所謂廉介樂善

士也沈志子國芳字仲香號蘭菴性最孝凡服勞奉養

皆真心流露非襲儀文讀書務法前賢作文力追先

正恭以持己恕以待人德厚學深不遇於時蓋無意

於名利者也同上

李培字果齋孫賢曾孫也由恩貢官大埔教諭自幼失

怙事母始終克盡其道生平謙恭樂易周恤貧鄰秉

鐸名邑不受修脯羔雁而化雨春風至今猶在人耳

日間也沈志

林大華歲貢生選授龍川訓導為人廉靜寡營英姿卓
犖博通經史誘人不倦遊其門者類多名士

沈志

李雲登字天簡號健菴正貢生學問醇正師範端嚴負
笈從遊者每年不下百人鄰里鄉黨有曲直未分者
無論尊卑長幼得一言無不帖服雖婦人孺子無不
知有天簡先生也

沈志

陳抱廩貢生生平孝友輕財仗義凡事關風化者力肩
其任如建考棚管祖祠送學田皆文教中美事焉

沈志

李本卓歲貢生文章古奧屢試前茅五經四子書研究
數十年晝夜不疲確有心得作有學庸論語註解未
竟而終士林惜之

沈志

吳川縣志卷七

人物 列傳

五

林仲律附貢生好施樂善見義勇為移建縣署開文明
門為力居多乾隆戊戌己亥兩年吳邑大旱餓殍相
望日為粥以飼饑者傾囊不足稱貸典產以繼人多
賴以全活云

沈志

黎綱字古愚歲貢生清貧力學至老弗衰學庸一書體
認精切先儒語錄無不融貫通曉邑中名士多出其
門

沈志

吳靜吳動

水潭人

庠生友文子

採訪冊

靜字鎮峯歲貢生淡

泊寡營善事繼母友于諸弟白首無間言邑令舉鄉
飲正賓自以為有媿力辭之年六十四卒動字淺溪
庠生稟性端肅積學能文詩詞書畫兼長與伯兄主

持族事能化頑悍合族無隻字入公門卒後數十年族人道及猶肅然起敬焉動子舉廷廩貢生少孤力學友愛無間郡城開設文明門經營籌畫厥功居多舉廷子河光領鄉薦黃府志

李中立字強齋中街人歲貢生溫厚端方尤重孝弟父赴

省考貢卒於旅邸匍匐扶櫬歸苦志力學自壯至老手不釋卷邑合舉充鄉飲正賓享年八十有八沈志曾

孫經華苦志力學道光二十九年己酉拔貢生朝考一等等二名分發河南知縣汝甯守廖牲器之未幾

卒採訪冊

陳孔誘歲貢生平城人官乳源司訓生平嚴正宅衷廉隅

吳川縣志卷七 人物 列傳 三

勵俗其事父母也兩堂奉養無間人言且性喜淡靜寡交遊恥苟得惡奔競不愧老成典型焉沈志

林傑中檜子歲貢生孝友端方疏財重義族屬孤貧資以廩食好讀書塵視金玉父遺金數千盡以與其弟

偉為烏程縣縣丞京費有正直君子之風孫復瀚別有傳沈志

黃定中庠生公正任俠凡邑有大興作艱鉅難勝之事無不一力任之排難解紛若出天性歿後各族縉紳

先生誄之者眾沈志

吳若益例貢生公道為心事多仗義遇邑中建造賑濟事咸樂資助陳邑侯顏其門曰惠遍親倫沈志

吳元文例貢生尊師重道教子義方遇歲饑發粟以濟族中建祠常捐金助焉沈志

陳介行庠生事親以孝聞設教里黨雅意成就後學有清貧者不計其修脯焉沈志

易鵬宗亮從子也增生苦志詩書教誨子弟凡遇梓里爭鬪必以理排解合族舉為族正壽八十有五沈志

鄭良黃坡人正貢生貧而好學雍正八年舉鄉飲大賓與修邑志真廉靜士也子輝庠生持已恭事親孝型家

範族有先正風且輕財仗義建宗祠營祖墓終身未嘗疾言遽色子孫繼美無非盛德之報云沈志合修

黃殿宣邑庠生孝友性成父歿遇生辰諱日必痛泣而奠兄弟至老不分居甘貧嗜學訓子義方亦純篤君子也沈志

吳川縣志卷七 人物 列傳 三

李存性那羅人事父母以孝聞母葬大蟲山陡遇水漲廬墓守視至歲饑賑濟又其餘事耳沈志子二自蘇自暢

暢別有傳自蘇國學生候選縣丞慷慨仗義和睦鄉鄰冠婚喪祭凡有不足者必為之資助蘇子元果例

貢生性醇厚事父母能孝待兄弟以和尤好施與乾隆戊戌四十三年歲饑發粟賑濟臬司顏其門曰為

善必昌同上次元森亦例貢生喜吟咏善醫孝友好施如其兄戊戌己亥繼其兄以賑黃邑令宗傑顏其門

曰克敦梓誼採訪冊

陳就虞字古菴乾塘人附貢生封銜列表康熙間隨父

避亂石城西街九歲而孤母乃攜歸黃坡性篤孝敬

愛兄弟人無間言時當亂後賦役煩重里長牽連備

極艱楚仍手不釋卷刻意功名支持門戶年三十九

補弟子員上世祖墓被墟場侵逼幾毀歷控四十餘

年傾貲保存之族黨以義慈見推據沈志及林關階墓誌修

梁炤庠生授州同職銜多財樂施遇歲荒每減價以糶

邑中義舉必捐貲倡首戊寅大旱縣發常平時炤僑

居博立目親特請邑侯楊公運米至莊并代為

論發處置得宜南一二鄉賴以全活者皆其力沈志

李時芬庠生秉公守約富貴貧賤視之如一室如懸磬

而舌耕所得反以給貧士膏火之資沈志

林東藩庠生秉性醇篤孝友端方親屬窮乏者多賴其

扶持有古君子風焉沈志

陳而兆泗岸人國學生厚樸簡靜戊戌歲饑捐囊周濟李

巡撫顏其門曰任卹可風沈志

李高梓字翰柱號拱南三柏人國學生質直尙義饒於

財樂施與捐金倡建梅棗社倉儲穀防饑諸如建祖

祠立嘗產尊師重道無不得其大體子珩布政司理

問職沈志採訪冊修

孫系曾字受一塘基人候銓縣丞為人仗義族中貧不能

娶孀不能守者皆給以田產周卹鄰里助成美舉臨

終

終焚券洵有君子風乾隆壬申三子錦鑑鈞同進賢宮論者謂德厚之報沈志鈞字秉五郡庠生敦孝友崇

節義常存濟人利物之心捐資督修塘菜橋行人賴焉同上巨修者錦嗣子也號逸園太學生生父銓早卒

巨修定省兩堂愛敬均一視本生與出嗣兩弟敦篤無間性質誠無異俗之行無欺人之語延師教子傾

產不惜大焜舉於鄉大燎庠生據道光李志修

鄭嵩字常修黃坡人國學生天性肫篤事父送死有昔賢

泣血三年未嘗見齒遺意至傾已囊以濟凶歲饑寒助膏火以教族中子弟其行皆可以砥礪末俗焉子

五子瑛候銓縣丞餘俱邑庠國學生沈志

吳川縣志卷七

人物

五傳

五

楊樹松字四榮歲貢生家貧嗜學秉性簡厚母年逾九旬而孺慕不忘口織之資亦公諸昆弟焉沈志

林大參下街人例貢生言行謹篤善事父母其母患喘不

能寐大參全妻陳氏日夜扶持及歿執喪誠慎族中有貧無以為葬者輒助之不能娶者捐資完姻其高

義如此沈志

林祖德下街人增生髫年穎異能文弱冠即受知於惠學

使士奇淹通經籍潛擊理學手抄左史暮年不輟奉侍父母惟謹父有疾不解帶以侍藥歲饑平糶親族

貧乏者尤加意賑恤生平敬師儒篤友誼修身訓子

洵克紹南峯前徽云少子紀蘊別有傳府縣志合修

林長蘇郡庠生孝友端方温恭恤物邑令楊公舉鄉飲

介賓沈志

林序下衛人 監生候選衛千總稟性孝友齠年失怙事

母極盡孝養待異母兄弟雍睦無間鄉黨有困乏周

恤之無遺力壯年而没人惜之子日暄庠生沈志

李茹苞字果瓊三柏人郡廩生少失怙事母至孝 國

初海寇為累攜母逃竄得粒食悉以奉母自忍饑晏

如也遷居中街苦志力學持己恭慎決事以義當道

多引重焉子冲漢字為章歲貢生經史子集無所不

窺尤究心理學官海康訓導振興文教凡訓生徒必

語以宋五子之學焉沈志

吳川縣志卷七 人物 列傳 三

林在鎬郡庠生幼聰慧能文屢試優等雖童稚與語必

盡其誠蓄嘗產建祖祠在鎬之方居多沈志

李若香字叶伯培子廩生孝友天成行誼不苟少聰穎

九歲能文生平以聖賢自責嘗自言曰士子讀書所

學何事雖不得為聖賢路上人亦當向聖賢路上走

今觀其文皆真性磅礴洵不愧其言云沈志孫玉芳增

貢玉華舉於鄉採訪冊

吳晉字用錫稟姿穎異賦性淳良弱冠補縣學生苦志

上達十戰棘闈數奇不遇老年猶慙慙嗜學生平孝

友克敦一言一行皆足為鄉黨模範沈志

吳元起字喜子上郭人庠貢生善於祭誠孝友無間生平

嗜學寄情詩歌屢薦鄉飲大賓遇邑中興革大典無不竭力勦厥成焉沈志

陳式東字法南貢生秉性孝惠執親喪哀毀骨立乾隆二十三年戊寅歲荒出家資賑濟貧乏族黨賴以全活者甚眾沈志

李慕相字任卿郡庠生性敏悟善屬文為人孝友端方弱冠遊泮家貧親老辛苦養奉極得歡心至宗族義舉身肩其任一鄉賴其維持者十年沈志

吳時著幼而好學因家貧廢書服賈事母至孝性好推解沈志

楊舒泗字鄒山職監生賦性溫厚恬靜自持雍容樂易

吳川縣志卷七

人物

列傳

三

與物無忤嘗自謂於法不敢創於俗亦不敢因尊崇祖訓參酌時宜咸得其正一時共推為長者至其置嘗田設義學履行賑濟尤懿行之表見者沈志

易若思乾隆十二年丁卯科副榜上杭人事親至孝奉後母甚得懽心待寡嫂撫孤姪恩義兼盡生平輕財重義樂施予教授生徒善誘有方族黨戚友翕然稱之

吳邦卿字敏菴水潭人貢生幼失怙與兄邦倚事母孝敬無間兄歿撫諸姪如子卜葬祖父母皆克敦孝義焉沈志

黃德屏通志誤字泰堂盤石人父通理例貢生兄德厚黃作王

新興教諭崖州學正採訪德屏生平誦法程朱品行

文章一時推重膺乾隆十八年癸酉科選拔 廷試

後以貴授貴州平遠知州值苗匪倡亂德屏單騎深

入反覆開導酋長感化縛其渠以獻得脇從名冊焚

之存活以萬計尋以前官事落職歸德屏性甘淡泊

事父母依依孺慕遇貧賤交誼最篤至性所感婦孺

亦喻其誠乾隆庚寅案三十五庚寅進京明年辛卯萬壽恭祝 皇

太后萬壽 恩復六品職銜降補南匯丞調常熟職

小而節彌勵邑民間德屏廉明皆趨走質訟縣貳例

不受事論遣弗去隨事剖析民皆悅服來者不絕德

屏亦弗能禁也鄉俗投牒有官錢德屏曰是何足污

吳川縣志卷七

人物

列傳

三

我大署牒後日本衙不收陋規役卒多散去由是見

知上官調署嘉定令檄下適以病終士民爭醵錢乃

成殮祀常熟名宦焉阮通志蘇州志合修子祖香官泰州運判

國朝編修欽州馮敏昌題德厚遺照詩極浦常環水州

城夙號羅無雙數江夏千頃况澄波孝友真誰并文

章更不磨古來曾閱重豈必掇巍科新邑鐸聲響

朱崖時雨臨論文勃子下習禮枕榔陰愛土心何古

干城思更深鱸堂人已去垂範到於今我郡實鄰

壞敬恭惟梓桑忘年忻誥弟苦志得賢郎正學風流

遠儒門氣脈長披圖見遺矩嶺海更輝光

陳聖宗字統姚居芷父志仰敦內行喜施濟為鄉里所

重聖宗性極孝友乾隆三十三年戊子舉於鄉終養

二親後乃上公車四十五年庚子科成進士都下有

孝子經生之目任惠州府教授博羅逆民黨聚郡城

戒嚴聖宗仗策登陴董率鄉勇節相吉有齋甚器之
卒年六十二著有四書講說芷江文稿藏於家子二

長文瑞諸生 黃府志

國朝編修淮安程晉芳先生聖宗序國家以文取士
非取其文取其行也其行於何知之於其文知之學
尊經言有物得賢之心志語脈文辭藹如洵吉士
也其詞誇其難巧而多機銳而有銜儉人也為有
司者執是以進退人鮮不得矣今年春余奉命
分校禮闈閱廣東春秋卷有毛六號者首藝通體用
易語次藝書次藝詩綴次有法而措辭溫克異而薦
之則中式矣比來謁觀其人樸而不華一鄉里寒賤
也詢其舉於鄉之年則乾隆戊子詎今十三年矣余
曰子遠省人披烏裘試春闈不已四五緇乎生對曰
吾父母年老鄉薦後終養乃來今年纔一試耳遂受
知於先生惜吾父母不及見也因泣不止余惟昌黎
韓子述歐陽詹生以為雖有離憂樂也雖無離憂不
樂也人子遠離其親蓋亦有不得已者今生家赤貧
而能事其親歲大事始來則非特其子之孝其親亦
賢矣天使孝子經生出余門余何德以堪之為之喜

吳川縣志卷七

人物 列傳

且不甯者數日既而生來叩頭請曰先世有隱德曾
祖雲卿公著詩數卷未刊先生其序之余取其先集
及事略讀之知生之為人也質而無矜言其所敘約
略數事雖生人常行望之若難至焉雲卿詩亦能自
吐胸臆不涉雕鏤浮濫之習而余於詩序不輕作生
之歸也促即志傳亦未暇也獨念生遠在南海後十
年始來謁選余老矣會晤不可期其何能已於一言
夫褚淵能為孝子不能為忠臣溫嶠能為忠臣不能
為孝子豈人之性固有所限耶抑未嘗因其所有推
擴之也生未第以前行既完矣食報有自矣他日躬
親民事願推老老之心以惠及窮檐使人稱孝子為
良有司則所以昌其先德者不更重乎余之言不足
為生揚萬一也

邑人林召棠陳芷江先生像讚祥麟一角威鳳九苞
文明朱鳥萃於南郊駸駸駿足一日千里奇峯千雲
拔地而起猗與先生興於海邦龍文百斛健筆獨扛
少歌鹿萃壯館綾餅羣彥希聲時髦附景豐湖汪汪
芹藻猗猗先生來止經師人師既興其秀亦鋤其奸
訊囚獻馘在泮閑閑士軌懷方受和薰德示民不佻
君子是則其德克明其聲則英有子式穀勗哉儀型
吳振發字躍亭 水潭 歲貢生少好學弱冠食餼七拔優

等與陳教授聖宗同見賞於邊翁兩學使講學授徒
聞風景附每年五經必溫習一次發爲文章粹然儒
者之言著有古心講義據李志修

吳光禮字德謙水潭人太學生幼失怙常依倚母側聞人

道及父事輒涕泣不食及母卒哀毀如不欲生後遇
誕諱日備物飲泣至老不衰待兄庠生光周能承其
意分爨時盡推其所置產與之兄老得癰疾姪又得
癰症延醫服藥參茸並進皆出其財繼族叔動後主
持族事族中不與訟者三十餘年子懋清懋基連捷

賢書人謂尊師重道之報據李志修

國朝巡撫定安張岳崧太學生吳溥淵墓志銘嘉慶己
未太學生吳君卒越七年而葬又二十年君嗣懋清

吳川縣志卷七 人物 列傳

懋基屬余補志君墓余同里且與君嗣交不獲辭乃
志之按狀君姓吳諱光禮字德謙別字溥淵太學生
高州吳川縣人先世由江南遷廣州再遷吳川祖式
鄒父邦柱以耕讀世其家君生六歲而孤母李氏撫
之每輾轉膝下詢父狀母垂泣君輒淚泫泫不自勝
見者惻然稍長聰慧嗜學然家故窶其兄光周銳志
於學君方弱冠遽白母不欲以貧累兄學願司會計
母不得已許之家稍裕母旋歿哀毀甚顛髮盡脫君
才三十耳營窳窳誠信竭力遇忌泣恒竟日凡母族
待之厚終身不衰先是君兄以弟子員赴試穗城歸
中溼患黃疽甚劇君昕夕侍湯藥每不寐達旦憂悸
無措忽狂喜走白母曰兒遺己白矣因顧母笑母恚
曰兒誤矣兒兄疽症黃耳兒何眩惑耶兄旋愈既而
病足侍疾亦如之兄子患瘰癧葠藥調治罔惜費推
家業所有多與兄及兄子每泣然曰吾恨不逮事父
母亦旋歿今視兄且父若也爲人恭敬和厚族中無
老稚咸愛憚之子弟能樹立者獎進不遺餘力凡周
濟事必爲倡息爭崇讓族中數十年少訟牘咸以爲
君力喜讀書垂老不倦課子嚴而有法每覽古今人
善言善行儉慕如不及族中號溪淺者於君爲叔行
君師之比君歿邑人高其義採事蹟入邑志懿行傳
殆與茂溪比云君生於雍正甲寅年八月廿三日以

嘉慶己未年十一月廿三日卒春秋六十六配某氏
子二懋清嘉慶丁卯副榜庚午舉人懋基癸酉舉人
大挑二等候補教職孫東翰東相東彪東章東賜東
蟾懋清等葬君於茂名縣章解嶺之原銘曰鮮民為
孺泣呱呱哲弟弗瘳予懷懷篤篤行式聞眾所俞熾惠
在乘垂不渝昌後森森羅明珠華表千葉鐫瑤瑜
此依筠心堂集
與石刻微異

林樹兩字植中邑增生祖父俱享壽九旬承顏養志使
怡然忘老母患癰腫潰吮膿嘗藥衣不解帶待兄弟
族戚情誼敦篤家貧嗜學至老不厭教授生徒不責
修脯他如建祖祠造橋贈金化盜至今父老猶樂道

之據道光
李志修

黃仁字峯上嶺頭
街人九歲失怙事母極孝官龍門都司輕

裘緩帶吟咏不輟有雅歌投壺風請封後即告歸優

吳川縣志卷七

人物 列傳

三

游林下十餘年次子翼夫候選衛千總敦本行明大
義創建家廟四子秀夫例貢生仁晚得足疾秀夫扶
持六七載不懈有某寄金數百猝病卒秀夫奉而歸
之其子驚謝實未知也失偶後以有子不再娶屆七
旬誕辰長子文才肄業太學大學士瑚圖禮製序祝
之欽州馮太史敏昌題其像云道自環中得神從物
外清可想見其梗概矣據道光府
縣志合修翼夫子卿才陽山
澄邁教諭武才候選衛千總秀夫子文才自有傳瀚

才松滋知縣採訪

國朝教諭高要吳者仁黃翼夫像贊人中騁驥千里誰
羈膠膠庠劍厲皇路鞭馳秩晉羽林佩垂烏几景彼先
猷克壯嗣美後昆光裕奮武揆文標英競爽卓爾超
羣揮霍其才恢宏其度傳此丹青永貽後慕

欽州馮敏昌題黃廣文文才尊甫建齋翁小照世德傳忠孝鄉風見老成藏書周柱史寡過衛名卿道自環中得神從物外清誰知感絃斷獨臥牛平生江夏無雙客湖州教士人稟承庭訓篤衰錫國恩新有道衣冠偉添豪面目真他年伸梓敬還願結芳鄰

李郁字文山平澤人歲貢生天姿英敏積學能文擢優等

者十一次經術淹通友教數十年總以踐履着實扶

持名教為主真老成典型也道光李志

易端一字道沛上杭人邑增生天姿肫篤事親色養備至

處兄弟和而有禮禔躬甚嚴張邑令舉為都正自少

嗜學老而彌篤延名師以教子姪作養不遺餘力兄

子業鎬歲貢生嘉應州訓導業銓增生銓兄弟競學

不問家產老而不遇聚徒講學多所成就銓子義成

吳川縣志卷七 人物 列傳 美

廩生文成舉人咸稱家學淵源云據李志修

李石城郡庠生少嗜學人品端方張沈二邑令舉為族

正族中有疑不決者得一言以定歲荒傾囊賑濟每

年延師族黨中貧乏子弟必資之入塾蓄嘗產建祠

宇合族德之子兆龍布政司理問職據李志修

黃敏修字遜來德厚子也少孤幼弟四友愛敦篤補諸

生有總役某恃官寵子欲就考敏修以辨別流品力

陳不可初忤邑令終以剛正敬之謝過焉邑有學田

為豪者漁奪力爭使歸以贍膏火生平見義勇為百

折不撓而遇橫逆之來則以一笑置之乾隆四十二

年丁酉選拔四十四年己亥中順天副榜充四庫館

膳錄敘教職以疾歿於京邸賻助者不宗朝金以千計足徵其感人有素也黃府志

林泰雯字慶章

下街人

父邦瑞國學生豁達好施與

黃府志

性坦易不立厓岸而義之所在不少假借與邑令張公交至契始終未嘗一語及私沈志生三子次即泰雯

成童從進士叔祖闡階學為文旋補學官弟子食餼

乾隆三十五年庚寅恩科三十六年辛卯兩中副榜

益自刻勵遠鄉有莊一所田百餘畝因兄倬雯失明

盡讓與之授徒養親親忘其貧迨父母相繼歿哀毀

骨立忌日拜伏必泣下選授東安教諭諸生來謁者

諳諳勉以孝弟在官十九年前後邑令就問民俗利

吳川縣志卷七

人物

列傳

三

病悉告之或及他語默不對道光癸未長子召棠殿

試一甲第一名及第授翰林院修撰請假歸至東安

學舍謂曰第一人之名副之不易汝他日不負科名

者安在苟不努力為有用之器此不足為吾喜適足

為吾慮也甲申告疾回里次年卒壽八十有一生平

喜為詩存東安以後所作為見山房集四卷

黃府志

國朝大學士曹振鏞贈八旬壽詩

鯉庭新著錦衣旋

堂上靈椿慶耄年第一名高推令子八千里遠視神

仙輝增東粵珂鄉貴瑞應南弧璧府聯炎嶠稱觴歡

舞綵滿園蓉菊佐開筵歲記重光歲在幸於今五

十又三春明珠嶺海當年貢片玉崑山此日珍殿陛

九重恩最渥門牆兩世誼尤親介眉願衍期頤算湛

露垂霄帝錫綸

自註君

為先文敏公辛卯所取士

陳張元字肇發流泗岸人父尹東乾隆十七年壬申舉人署

當陽武昌知縣武昌值湖水為患拯溺濟饑民賴以

甦後改番禺教諭黃府志張元性孝友既失怙恃事庶

母友異母弟鄉鄰無間言乾隆五十一年丙午領鄉

薦乙卯挑發關中署孝義廳撫民同知借補廣積庫

大使時教匪未靖軍儲浩繁張元司軍需局出納禁

絕陋規絲毫不染有廉直聲歷署汧陽涇陽縣事汧陽

通志誤愛民如子留心學校以卓薦銓知福建安溪

聽斷如家人不尚刑法而翦除兇橫特具風力邑有

巨猾積案纍纍莫敢誰何張元設法擒寘諸法闔邑

肅然官廚屢空或日一舉火泊如也以忤上官罷職

貧甚士民爭致薪菜後二年卒於寓民醵金賻助櫬

吳川縣志卷七 人物 列傳

始得歸阮通志弟張仲庠生黃府志

李健榮歲貢生少孤事母以孝聞家貧力學弱冠即見

賞於鄭學憲目為渥注神駒晚築別業於章棟圖史

自娛涵養純粹人罕見其喜愠色從遊多知名士世

稱棟山先生據李志修

陳秋潤字時實泗岸人天性肫篤弱冠時隨父往外戚乘

舟返里中流父失足落水倉卒無措赴●救父僕馬

保亦赴水救主俱溺焉一時子死父僕死主閭里嗟

歎秋潤妻李氏以守節著人謂忠孝節義萃於一門

黃府志子敏本監生孫國光歲貢生採訪冊

邑人林召棠陳國光墓志公諱國光字賓之吳川泗岸人曾祖素蘊附貢生祖秋潤考敏本國學生公少

端重能讀書年十八補弟子員即著風節丙午秋試榜發主司始得公卷歎遺才移中丞合肄業書院與宋太史湘羅孝廉禮綿友皆心折之公益自勵頻薦不遇以歲貢卒時道光九年年六十有七始公祖秋潤公少隨父適外氏父失足墜水倉皇赴救皆溺焉公弟星光早卒婦方妊公婦亦妊每夜輒禱願已生女而媿舉男以慰二親也已而皆然歲以脯修之入佐家計不有私財祖母卒命公以豕孫之田公以供祭餘均弟姪設家祭曰翁婦不同食豈死而廢禮也為二筵以別之平居坦夷重行義篤親故不以榮落易心讀書力行取其切於身心者錄置左右將率神明不亂訓諸子孫曰唐翼修人生必讀陳榕門訓俗遺規二書修身治家淑世之道備矣吾三十年奉以遵循者爾其勉之又曰後世即貧為農賈必讀書識理以存儒風嗟乎世俗以富貴聲利訓子弟其矯矯立異者又揭道學之餘波一旦臨小利如市儈焉甚矣其偽哉如公之慥慥篤實以訓厥後蓋不易得余昔見公於淑廬曙山兄所容莊言確飲酒温克余尚與公子及孫詣清游皆温温靜敏天將昌公後以為篤行者勸無疑也公娶林氏為余族姊子二秦初廬生次秦治孫三人詣清庠生詣德詣經尚幼以某年

吳川縣志卷七

人物 列傳

三

月葬某所銘曰東膠西庠莘莘其徒黜實崇華或偽且諛誰與斤斤矩步繩趨蓄素保耀在璞懷瑜佳城既安日月以徂世載厥德勗哉弗偷

陳璋潤字方流

流泗岸人

性學兼優言動不苟讀書實有心

得少時為文類國策後潛研性理涵養既邃文亦歸於平淡時推古文作手生平不妄交與之遊者久而

彌見其真領乾隆五十四年己酉科鄉薦越十載與

同年生李元琳同上公車李卒於旅次璋潤竭蹶歸

櫬定其嗣而後去歷欽州訓導長甯瓊山教諭在瓊

山刊邱文莊朱子學的以教多士

黃府志

子敏元歲貢

生 採訪 冊

李元琳字藍田

那羅人

父自暢貢生早歲失怙事母孝謹

終身如一日設立家塾延師教子列膠庠者七人

沈志

元琳襟期朗映膺乾隆五十四年己酉科鄉薦雙親

高壽戲綵承歡及親歿遇生忌日雖在外亦不與宴

會友教四方遠近雲集初銓海豐教諭未展其才而

卒士論惜之

據道光李志修

吳泰周文中子太學生少失怙奉母孝巾綸皆親自浣

濯兄恩貢生美周敦氣節見義勇為泰周事之如師

而佐以謙和少壯勤學不遇晚歲延師教子猶披吟

不厭第五子家駿舉於鄉

據道光李志修

潘韜字滙東

城內人

乾隆間由龍門協外委洊陞至閩浙督標水師營參將臺匪叛逆奉委進剿奏大功五十

吳川縣志卷七

人物列傳

罕

三次主將失機被困諸羅城中三月韜日夜巡城鼓

勵士卒斬而獲存大兵至吉制軍親執其手獎藉再

三平臺後矜恤流民存活無算陞澎湖協副將旋丁

父艱回籍續丁繼母憂服闋以原職補授香山協副

將署虎門總兵功列水師一等陞南澳鎮總兵海氛

甚熾督兵禦寇上疏恭叩

聖安欽奉 硃批有

練兵整伍諸事用心莫圖小利有勞爾問順問爾好

之諭韜益感激奮力任重事繁憂勞成疾至病革傳

中軍各弁至諭以忠心戮力勿負 國恩不及家事

卒年六十一

黃府志

韜能詩善畫虎作大虎字機勢雄

勁人爭寶之子汝渭字憑山嘉慶三年戊午科武舉

道光二年任陽安協副將調澎湖副將臺匪蠢動汝
滙帶兵進剿深得軍心全臺安謐八年陞南澳鎮總

兵明年卒於任採訪冊

邦璋下街人弱冠食餼文名藉甚與族弟聞階

齊名程學使歲試得瑞卷擊節歎賞命隨行訓課及

返高聞母病奔歸科考雖補附一等不能違例選拔

程公歎惜瑞怡然不以介意後以歲貢老子卿雯增

生敦行能文類其父嘗為丁邑令推重有訟者以白

金求一言不可得精於醫活人甚眾孫錫爵道光二

年壬午科舉人道光志品格端方非分不取以大挑選

鎮平教諭甫一載卒採訪冊從弟邦琬乾隆十七年壬

吳川縣志卷七 人物 列傳 聖

申 恩科舉人選江西分宜縣知縣居官清正民多

愛之再從弟邦琬職員寬厚樸誠尤敦內行採訪冊

林懋修懋昭下街人父復瀚庠生早失怙恃撫兩弟友愛

真摯弟相繼歿哀鬱成疾踰年亦卒懋修字淑廬敦

品勵學乾隆己酉選拔入國子監肄業書法仿虞世

南能以懸筆作小楷讀書臨帖之暇正襟危坐不事

奔競兩薦京兆不售歸而養母懋昭字德光三歲而

孤事母尤孝領乾隆五十九年甲寅鄉薦以養親為

樂不試禮部者十餘年懋修封川教諭不一年丁艱

歸里遂不出卒於家懋昭未仕卒黃府志

李士忠字誠卿中街人少聰穎有文名事母及本生母得

其憐心胞弟兩人貧不能自給分金資之甘旨必同
嘗卽布帛菽粟亦解推分潤而贍其家焉竟垂二十
年無吝心學政姚文田知府杜安詩俱以品學相器
重登嘉慶九年甲子科賢書丁丑大挑一等發北直
里門需次卒

黃府志

紀蘊字周材

下街人

禔躬涉世絕無緣飾以讀書自樂
由嘉慶五年 恩貢生署陽江教諭學內有以訟為

縣移革者紀蘊悉其情力持不可縣令始怒而終敬
之及罷傾城祖餞後任永安教諭兼掌教書院立規
條而課實學請於縣為增膏火士翕然頌其德

黃府志

晚年 恩賜舉人

李

長子高翔字羽豐附貢生候選

吳川縣志卷七

人物 列傳

縣丞邑合舉為族正鄉黨賴焉高翔子隆升質樸性

成刻苦力學由 恩貢生 恩賜舉人卒年九十次

子高鵬自有傳

探訪冊

陳獻猷字淡園

山嘴人

恩貢生嘉慶十五年庚午科 恩

賜舉人孝友性成事親能承色笑六十執親喪哀毀

絕粒每逢生忌日思慕飲泣弟四人少相友愛老而

彌篤敦宗族飭家規平居淡泊明志不問家產潛心

嗜古耄年不倦尤精於易子姪林立膠庠皆其作養

據道光府志修

鍾濤字雲川

九有

父錫豪正直謙和事繼母能得歡心
撫孤姪如己子歲荒常竭貲賑濟助婚葬之不逮者

至捐嘗田建祖祠尤篤敦宗睦族之誼

沈志

著有朱子

治家格言翼一卷濤少孤事母以孝聞母卒哀毀骨立居喪三年未嘗茹葷飲酒事長兄克敦弟道博學強識尤熟精三禮爾雅乾隆五十七年舉於鄉縣修黌宮毀宅以廣學基復竭力捐題爲一邑倡修譜建祠賑荒助乏饒有父風子迪謨廉州教授迪誠候銓按察司知事

據道光府志修

李政字齊均增貢生

中街人

父元翰國學生剛正持重多才識政孝友端方嗜古成癖尤好性理書常錄朱子格言以自勗言動皆有準繩與人無詔無傲以禮自守人多敬而畏之爲文力追先正曾見賞於學使翁

吳川縣志卷七

人物

列傳

三

方綱晚而不遇知縣鄭鑾訓導羅躋瀛議舉孝廉方正力辭不受撫愛子姪善於甄陶子士典歲貢生篤學善文待人真摯鄉里稱之

據道光府志修

李士龍字見卿

中街人

孝友清介才識過人性好學由廩貢生官海康遂溪訓導勗諸生以敦行立品繼任澄

邁爲景蘇書院山長所得修金捐置膏火傾囊創始賓興卸篆澄人製詩歌以餞後遷新會適麻園鄉紳士八人受誣成獄廉得其情力陳於大憲釋之邑人頌焉

據道光府志修

鄭光溱號潛菴

黃坡人

恩貢生父弼臣廩生早歿祖母母

兩代孀守光溱善事之弟五人教訓成立光溱性聰

養遂自束髮受書不擾世務於五經四子及性理諸書沉潛研究折衷眾說以歸至當居常正襟危坐無跛倚容無喜愠色對之者如坐春風中也從遊日眾多士皆謂無媿經師人師云據李志修

麥實發字崑園院村人父珽郡增生杜門奉母以一經訓

子實發生有淑質事親克孝酷嗜古籍經史性理諸書悉能背誦為文力崇正軌不涉時蹊領嘉慶三年

戊午科鄉薦再試禮部不中第歸而養親從遊者甚

眾咸奉為文壇圭臬云黃府志

鍾元澍字愚菴歲貢生篤志勵行專心嗜學於宋儒書尤有心得教受生徒以小學近思錄二書為根本家

吳川縣志卷七 人物 列傳

素貧常捐修脯以賑貧乏屢空爨如子昌敬妙齡食

餼能讀父書道光李志

林鶴齡字仙嶼下街人嘉慶二十四年己卯科舉人父元

相性至孝母病劇嚙指血書誓披髮叩天願減算以延母壽十年後母適以其日月卒人甚異之鶴齡風

神朗映少號神童十六補弟子員十九食廩餼弱冠

捷賢書一試春官薦而不第卒於京邸時年二十七

著有水經註圖漢書節略二書道光李志

陳壯才田頭人候銓府同知少失怙奉母必稟命而後行

饒於財周貧濟困鄉黨賴焉邑中大典必率先捐助

嘉慶中海氛猖獗不惜多金募勇沿海堵禦提督錢

夢虎知府唐錞皆主其家邑令邵世培以憂卸篆貧不能歸壯才與邑中數人捐銀俾就道蓋亦好義士也道光道光十六年邑議新建文場壯才子鹽大使大經會同教諭大綸首助千金貲遂集士林感之採訪

易樹邦房士升李定邦皆嘉慶間武弁樹邦名採仁以

字行上杭武生補高州右營把總黃府自少矢忠義

元年隨征湖廣輒自請衝鋒擒戮無算以功擢千總

益自奮勵所向披靡後率所部深入賊陣賊破而樹

邦戰死祀昭忠祠廕子熙賢雲騎尉阮通士升城內

本營把總智勇過人六年防守麻斜汎海寇突擊汎

吳川縣志卷七 人物 列傳 墨

幾陷守陣者皆哭士升奮勇衝擊危而獲安寇怒率

舟師大至士卒驚潰士升諭以大義慷慨誓眾且敵

且守賊潛遣人登岸雜村民中從士升後猝刺之解

其屍汎兵張天德亦被難士升祀郡城昭忠祠阮通

定邦平澤亦把總也二十五年督師巡洋大風雨士

卒多投岸逃生定邦獨竭力護持舟覆溺焉次日家

人得其屍見其印猶繫於臂狀聞 特恩優恤子鍾

奇襲黃府

林可樑林間挺林魁彥俱康熙間歲貢可樑好古博達

邑中能文之士多出其門間挺旌獎尙義立義塚收

埋枯骨在壇地外邊嶺東兩修邑志魁彥亦與修邑

志文行兼優又林國瑞者乾隆二十五年恩貢正直

不阿道範堪仰據盛志沈志選舉表合修

李參天陳春第吳夢伯順治康熙間貢參天孝友性成

端方勤儉邑中之士多受訓迪春第端方尚義與修

邑志夢伯孝恭慕義前修邑志亦與其事焉據盛志選舉表

合修

以上舊人物傳今略加修纂先取通志次取府

志通志府志無者乃取縣志內移入他卷者三

傳梁廷茂入者壽楊體乾入流禹黃文才八下卷新撰人物新增者四傳劉

忠黃紹欽陳紹顏常宗思沈志以前患於簡有可據者增之

道光李志患於繁力刪其詞句而不敢失其事

吳川縣志卷七 人物 列傳

四六

實其同一家一事者則纂為合傳知其祖父子

孫者詳之名人詩文間附於後以備考

陳景清字醒堂就虞孫事親以孝聞次弟堯相喜揮霍

未嘗介懷葬父治墳堯相欲偏右地師曰偏右虧長

房景清謂諸子曰苟福叔父何異福我乎定穴偏右

後堯相家替又疑墓虧次房即命改向家祭時每泣

曰願父母有以益弟三弟堯卿未娶卒自撥田租擇

堯相子為之嗣族舉人國成歿無嗣亦撥租擇人繼

之嘉慶初海氛熾鄉人多被誣累景清告當道昭雪

之有吳觀書者與海盜通其族人撻之祖廟而斃其

妻以擅殺訟景清告縣官曰吳族此舉為地方除害

也若被逮累墮匪黨計矣官以綽楔旌吳族事立解
洋匪搶新會外海陳家女名阿金阿銀者分與海鄉
夥黨景清以計脫之送歸其家弗受謝嘗夜歸遇二
人相持於黃坡江畔欲赴水叩其故一曰我負債十
千貧不能償一曰彼不償我無錢必死卽如數代償
之不問其爲誰也其好善樂施多類此邑副貢林泰
雯謂景清臨財不苟且見識精卓凡爲人謀盡心竭
力校官羅禮綿謂景清心存仁厚戚族中或蹈非義
則嚴詞斥責不肯少貸以故人多敬畏薰其德而善
長者難更僕數修撰林召棠謂景清胸次浩然不能
委曲徇物言論如濤瀾怒翻鋒穎森豎旁見側出洞

吳川縣志卷七

人物

列傳

七

胸達腋氣常蓋其坐人其理直故不懾其氣壯故不
屈也景清自少至老每夜五鼓起作蠅頭細字錄經
史文集或堪輿醫卜諸書積疊滿架刊所著戒淫戒
賭戒吸鴉片思患預防居心行事諸篇語皆警切壽
年九十臨終前數日猶書人善人欺天不欺七字揭
於壁又諭子孫謂凡事忍氣喫虧最好

毛昌善
兼纂

黃文才字質菴秀夫子也少力於學以貢八成均至
京師乾隆癸丑甲寅間大學士山陽汪由敦時爲大
司成宏獎士類英髦鱗萃文才交其才俊晝接人事
賓從旁劇宵休講貫覃研粹精時鄉先生鄭給諫士
超馮主事敏昌以文章志義相尙與文才爲道德之

友

林召棠撰墓表

龍太史廷槐嘗揚言於眾曰吾鄉固多佳

士然緩急可恃者若鄧君良琬黃君文才馮君敏暉

此三士者吾可以深信焉

馮敏暉四弟行略

文才既失意場

屋以廣文歸署順德高要教諭凡學之事靡不舉新

補弟子員者多來謁師例有贄文才曰明日再試君

等但歸臥無煩此行長官器其才不以冗官遇之文

才性開宕尚聲氣急朋友有求者苟力可為而不背

於義應之恐後不肯作促促儒士而性行醇篤與弟

瀚才友愛不能一日不相見既瀚才官湖圻松滋知

縣每思之襍被即往數千里若尺咫語瀚才曰吾家

不可有楚人一錢也從兄某子為武弁於碣洲航海

吳川縣志卷七

人物

列傳

吳

皆戕於寇海氛始熾官吏以盜為諱文才挺身奮呼

聞於大吏守土者以得罪既而寇益甚巡守之略官

與民共之文才經畫各有條理初秀夫善治生家充

於財文才兄弟頻宦游頗有通負文才曰是不可久

一皆清釐婦孺稚弱無約劑可據千數百里自往歸

之其為人所負者纍纍數千金名紙具在未嘗言也

歲歉竭廩濟其族周於朋類聞無分毫不滿意文才

治易精漢學通句股歷律之術及藝能工為詩妻

早卒曰吾早失母父不更娶吾其可違獨處三十年

嘉慶癸酉卒年六十有一長子岫候選縣丞孝友謹

原

林召棠撰墓表

文才嘗臥疾官署函促家人省視岫方晨

入市接信遽棄所市物不還家不戒行李隻身倉皇挾一笠以達高要其迂篤如此採訪冊

林召棠字芾南泰雲長子也泰雲年四十二始生召棠召棠少時盡傳其家學年十八應童試姚學使文田賞爲海濱俊才拔補弟子員七試皆優等嘉慶壬申程學使國仁得其卷以大器目之選充癸酉科拔貢生命入官署肄業前後凡十年丙子舉順天鄉試道光三年癸未成進士殿試

成皇帝得卷 硃批今科得一佳元一字筆誤偏旁非關學問遂拔一甲第一名及第授職翰林院修撰告假歸省明年還京旋丁外艱戊子復回供職己丑以

吳川縣志卷七

人物 列傳

四

一等五名留館辛卯爲陝甘正考官呼延庶常原名

甲

張文毅芾牛廉訪樹梅路河道慎莊皆其所得士

明年乞終養飄然解組循陔將母殆不以三公易一日之養大吏延主講端溪十有五年栽培士類如順德羅尙書惇衍高要馮侍郎譽驥同郡梁庶常巍劉大令汝新等皆所賞拔年五十九丁內艱遂杜門不出作寄廬於金蓮菴顏曰四十樹桃花禪屋結茅布石雜蒔花木每當春和景明潮生月上輒命小童攜杖徜徉林霽間或載酒蓮塘或吟詩梅下暇則焚香靜坐觀書臨帖意趣超然也生平誠樸謙慎不干謁有司不面斥人過而族黨齟齬者得一言事輒解高

祖祠地力任興修又捐蓄千餘貫為祭田族姪鶴齡
孝廉病歿京邸歸柩營葬並恤其家諸弟析居給貲
建宅善體先人推產意羣年猶與季弟恩貢召桐朝
夕共飯羣從子教誨飲食備至訓子孫專務讀書植
品尤以驕侈實錄為戒一家化之同治六年高廉道
陸心源表其閭曰高賢里十一年十二月卒年八十
有七所著有心亭亭居詩存文存筆記子四詒燕別
有傳詒薰恩貢生詒燾廩膳生詒煥候選府經歷
册

國朝巡撫商城程國仁贈別詩并梧搖雨个驚秋有客
懷歸未可留匹馬鞭絲天北極片帆雲影海東頭征
衫穩穩君能遣病骨支離我欲愁嶺上梅花三萬樹
何時攜手賦重遊 畫就羅浮贈向誰天涯五載許

吳川縣志卷七

人物 列傳

辛

相隨文章白髮存知己桃李青春有夙期聽雨湖西
閒放艇尋泉岱頂記題詩懸知此去情懽洽酒渴香

酣啖荔枝

高廉道閩縣葉申萬賀及第詩科名自古重詞垣况

復摩空賦殿元五百成仙超品籍九重知已感君

恩桂林佳話欣連壤滋圃風流仰接源今日海隅荒

可破誰家不願勉兒孫 大羅天上列星垣爭詠

哀為狀元二百年來傳盛事八千里外頌 皇恩花

開鐵樹真驚異醴涌金泉孰問源太息吾閩風物

幾曾製錦荷天孫 巡撫衡陽常大瀄送林芾南歸養詩茲行不為憶鱸

魚乞賦歸來慰倚閭待葺舊堂榮書錦每逢佳日導

安輿淮南桂樹秋風晚庾嶺梅花小雪初津吏無煩

迎候遠一船虹月載奇書 少年才筆冠詞流冰鑑

高懸華岳秋山水遭逢名士助烟霞性格古人求橫

江渡口迎桃葉繫艇湖心訪石頭若過六朝金榜地

登臨莫抱古今愁 刻燭傳觴幾度過瀛洲高會近

如何酒兵大戶當場快詩律長城掃陣多吾輩文章

爭氣誼晚秋風日劇清和遙知聽水聽風夕宮漏迢

迢想玉珂 圖成家慶藹春暉話到 君恩喜笑微
麟脯瑤池在夕膳鶴綾金字絢宮衣庭前伴月深深
立陌上看花緩緩歸塵土東華如見憶鴻書遙盼日

邊飛

侍郎宜黃黃爵滋送林芾南假旋吳川詩故人今夕
酒游子舊時衣涼月一帆去秋雲萬里飛到時梅乍
發夢裏客先歸獨我勞南望蕭然理素徽

拔貢高要彭泰求端溪書院訪芾南山長留飲池上
詩今皇仁孝重人倫肯向人間放鳳麟東觀寶書虛

史筆北堂珍膳戀慈親幾年多士尊橫楷此地名山
孰主賓郭下清江三百里官衣不點五羊塵

主事番禺陳其錕懷林芾南殿撰詩不以科名重人
今第一流蚤年辭豹尾塵世豔龍頭東哲笙詩補桓

榮講席優生平文酒笑風雨最網繆
高廉道濟甯孫樺輓林芾撰詩卅載侍先祖得見公

聯書望之若古人嚮往殷跂予後公十五科記我通
籍初登瀛齒既冠作賦羞拘墟曩年建英蕩潘州駐

軒車側聞月旦評喜近公里間壯歲策大廷弁冕光
瑤嶼弗羨黑頭公辭榮况齊一棹歸去來釣游林

下居清芬溯家訓懿規音蘊身教嚴孫曾秀蔚森
階除會不至官府復不勞舟車懷玉周老聘散金漢

二疏古之鄉先生賤子非過譽竭來再奉使問訊公
何如皆云魯靈光道履彌安舒孫枝克繩武拔萃才

新儲先後六十年同科衍經畚方期闕三秋鹿鳴重
樂胥公胡不少留返直凌太虛前事有朕北海風恣

吳川縣志卷七

人物

列傳

五

任噓典型在枌社遺文藏石渠諸老久彫謝公歸更
無餘再世叨年家從政材似樗未能質靈几質言聊
悃據還憶趨祖庭泫然增欷歔

竇振彪字升堂

潮州人

由行伍歷拔千總嘉慶十九年擢

水師提標中軍守備二十四年升海口協中軍都司

道光二年升廣海寨游擊六年升水師提標中軍參

將八年升海口協副將九年署瓊州鎮總兵十年五

月兩廣總督李鴻賓遵

旨保奏振彪熟習海洋巡緝明練堪勝水師總兵之任

九月升福建金門鎮總兵十二年十月臺灣匪徒陳

辦滋事振彪以總督程祖洛巡撫魏元烺提督馬濟

勝檄帶本標及漳洲海壇閩安各標兵二千名由蚶

江對渡直趨嘉義十二月抵嘉義城與廣東提督劉廷斌合剿十三年正月北路臺匪將南竄振彪偕馬濟勝分路截擊直搗其巢擒賊目黃番婆等并殲要犯二百餘名嗣又擒首逆陳辦及張丙江文等匪臺灣平奏入

賞戴花翎七月以征兵黃漢清等爭毆斃命約束不嚴下部議處先是廈門一帶姦民私造小船沿海肆劫每於夏至後風潮疊起避匿同安縣之清塗等鄉至是振彪凱撤內渡程祖洛檄令乘便竟擣賊巢殲擒甚夥並起獲船礮等件十四年以清塗鄉接壤之柏頭鄉有竄匪潛伏亦爲盜藪振彪復督兵乘其不備水陸並進擒犯百七十七名並獲船三十四隻及礮械等件十六年以督飭巡洋弁兵不力下部議處十八年閩浙總督鍾祥奏振彪督緝劫盜限滿未獲部議降二級調用得

吳川縣志卷七

人物 列傳

七

旨改爲留任十九年曠夷兵船於十月十二月屢犯大隊洋面及梅林各洋振彪督舟師擊之二十年二月夷船復游駛梅林洋面振彪令哨船截攻以礮火聯絡擊斷夷船帆索曠夷旋遁四月於塔仔外洋巡獲盜犯曾勝仁等六十名並起獲鎗礮等件旋以失察弁兵張進發等吸食鴉片烟下部議處六月於穿山洋面擊燬夷船壹隻又於虎嶼洋面擊沈杉板船壹

隻奏八得

旨所辦認真可嘉二十一年二月升廣東水師提督三月調福建水師提督八月暎夷陷廈門部議奪振彪職

上以振彪時方在洋捕盜

加恩改爲留任二十二年

諭曰暎夷現以就撫准令通商仍應加意防範廈門爲省垣關鍵今昔情形不同必須因地制宜量爲變通着竇振彪等詳察地勢悉心講求妥議章程具奏嗣以夷酋復遊駛入閩窺伺廈門

申命振彪密加防範相機辦理二十四年泉州陳頭山等處盜匪肆劫振彪謀知蹤跡督舟師緝拏燬其船八十餘隻首犯陳扭等竄逸嗣又將陳扭拏獲並探知各匪還家度歲親往各鄉搜捕悉殲之旋以濫保雲騎尉楊長耀部議降二級調用

上加恩改爲留任二十六年拏獲柏頭鄉盜犯林梯等首從三十餘名並起獲礮械船隻二十七年率福甯鎮總兵曹三祝等分駕兵船於霞浦外洋拏獲盜犯蕭大才等二十餘名餘匪墮海淹沒二十八年以浙江漁山爲洋匪逋逃藪振彪督師出洋偕黃巖鎮總兵會勦擒斬甚夥燬其巢三十年卒遺疏入

諭曰福建水師提督竇振彪由行伍出身前經出師勦

辦臺灣逆匪著有勞績仰蒙

皇考簡擢提督巡緝操防甚屬認真茲聞溘逝殊堪軫惜著

加恩晉贈太子太保銜照提督例賜卹任內一切處分悉予開復應得卹典該衙門察例具奏伊子縣丞候升知縣寶熙著俟服闋後送部引見尋

賜祭葬

予諡武襄

國史館列傳

林聯桂初名家桂字道子一字辛山

塘墩新村人

生時有大

星降於廬

自撰煥門府君行畧

以積學能文章鳴

林召棠緘石集序

才

思敏捷對客成詩洋洋灑灑一日可得數十首

粵東七子

吳川縣志卷七

人物

列傳

嘉慶

詩小傳

嘉慶辛酉充選拔貢生甲子舉於鄉

行狀久客京

邸連不得志於有司嘯咏自怡不戚戚也

七子詩喜小序

交遊自簪纓先達及詞人文酒之會多倚裳聯襪探

奇訪古襍被勇往故其文卓犖倜儻聲生勢長繁稱

博引以氣自豪

緘石集序

其所為詩雕劂萬品牢籠眾態

格律不一雄騁莫當

趙翼見星廬詩集序

黃侍御玉衡向官京

邸與盛廣文大士譚農部敬昭吳解元梯黃校錄培

芳張進士維屏黃孝廉釗並聯桂為八人數為文酒

之宴分題刻燭各哀一集

見星廬賦話卷五

嘉慶丁丑聯桂

在京邸與常農部恒昌吳編修坦宋聯秀李元杰馮

啓綦三舍人丁宗洛龐藝林黃釗張大業梁炅五孝

廉結詩社於都中賦話卷九 閒月一會每月一會半月一

會會輒數日乃罷存稿叢叢如束筍館閣詩話自序道光丙

戌成進士分發湖南知縣正雅集作官江西知縣誤 戊子夏委署

綏寧時虎谿書院修俸甚薄租穀纔一百八十餘石

聯桂捐廉添置田租二十石復設法增益遂得四百

餘石又拓建院廊兩所以居來學諸生親加訓課恐

語音不通更作解詁示之綏寧縣志不修者九十年

遴選紳士續修之越二年實授新化癸巳署晃州直

隸廳通判歷任俱有政聲大府器之乙未八月調補

邵陽四越月卒於任得年六十二行狀聯桂著作甚富

海山詩屋詩話有見星廬詩稿八集續刻詩稿十四集見星

吳川縣志卷七 人物 列傳 五

廬古文三集駢體文二集文話賦話詩話館閣詩話

作吏韻話講學偶話續清秘述聞日下推星錄諸書

見星廬文集

李玉華字璞菡若香孫謙沖和易古道照人少負文名

年逾五旬始中嘉慶十五年舉人家本素封以兄

生玉芳為海盜張保所擄玉華傾產贖之家遂中落

晚歲官陽山教諭卒於任採訪冊

李玉茗字柏岳培曾孫父遠錦性純孝以生次日母卒

遇生辰屏酒肉竟日號泣年八十猶然玉茗十歲即

誠於祭祀自購楮捲七箸敬謹什襲遇家祭用之嘉

慶十三年戊辰 恩科舉人道光六年大挑二等選

龍門訓導諸生愛之如父兄十三年丁父憂歸送者
泣下越境迺別家居授徒裁成後學倡建川西書院
設西水賓興津貼鄉會士子舟車費當是時鴉片烟
禁嚴當事議以茶易烟悉焚之嘉應吳蘭修番禺梁
信芳玉茗同年生也年家子南海曾釗皆當道所器
重玉茗並致書洋洋千餘言大旨謂鴉片當禁惟不
可太急且言焚烟非策必爲外夷借口後果如所言
二十一年以截取知縣改校官選花縣教諭甫至任
訓導羅定江某年八十矣病卒無子玉茗親視含殮
貲其喪以歸生員任某來謁玉茗知爲非類訪其素
行視之馮雲山倡亂任某以同黨罹重辟性喜扶植

吳川縣志卷七人物

列傳

七

良善諸生非罪株累者必白其寃在花縣十年士心
悅服駱文忠秉章家居更推重之咸豐元年告歸甫
至家卒年七十有五玉茗善詩古文辭每脫稿人卽
傳誦顧不自愛惜遺稿多散佚生平自奉儉約冬一
裘夏一葛做篋蕭然尤嚴義取身後不名一錢子文
瀾字鏡帆道光乙酉科拔貢生天資卓越捷於文尤
長古學年四十一卒文淮字小蓮丁酉科拔貢生幼
聰穎甫十歲玉茗授以朱子綱目一月而畢叩之輒
能臚舉以對豪飲工詩累躋秋闈未四十絕意進取
閉戶呻吟城市中罕見其面邑令李時榮延之入幕
從不干以私也卒年五十一文泰同治九年舉人選

用主事加員外郎銜

孫大焜字南瀛巨修子也嘉慶十三年戊辰 恩科舉
人大挑知縣初署福建尤溪調壽甯補沙縣始莅任
卽禱城隍廟以清慎自矢振興文教整飭風俗尤溪
之開山壽甯之鰲陽沙縣之梅岡書院均有名無實
或并院基而無之大焜創復堂宇置田畝給膏火延
名師訓課定章程以垂永久又修朱子祠堂及故進
士鄧景樞墓且爲之立後訪李忠定綱寓軒故址樹
之碣壽甯沙縣社稷神祇諸壇及城隍後寢舊悉荒
烟蔓草大焜遵禮創建之沙縣黃隴登雲二陂溉民
田萬餘畝廢壞已久捐囊金七百倡復焉考校士子

吳川縣志卷七 人物

列傳

吳

力拔真才前茅之士見取於學使者每試十常七八
案無大小隨讞隨結尤溪壽甯皆僻縣習俗頽弊倫
紀不明大焜明示章程整頓化導不遺餘力及移任
詩歌餞送者盈道前後在官九年治績炳著乙酉辛
卯兩爲同考官咸稱得士旋以罣誤去旣歸主講高
文書院性好古築樓藏書數萬卷法帖名畫充牣其
中工古文有菘蘭山房集成豐三年卒年七十五子

毓蘭佩蘭俱諸生

據菘蘭文集及採訪冊修

邑人

林召棠題孫南瀛曉度盧溝圖詩來時月落千山

樹馬蹄凍凍踏寒橋路去日春風萬柳絲橋邊柳色紫

春旗使君種花河陽縣一路飛花掠人面五更迴首

望盧溝五雲晴擁雙鳳樓

吳懋清字迴溪光禮長子嘉慶十二年副榜十五年舉

人明年會試不第留京過夏與連平顏伯壽海康陳
昌齊定安張岳崧同邑林召棠交善因以求天下賢
者學益廣大四試不第遂歸養不復出惟潛心撰述
至老不衰先是以避海氛奉母遷茂名之赤嶺橫塘
鄉所居重巒窈壑蔚蒼數里與弟懋基友愛篤至誼
兼師友母洗牲嚴顧樂施予懋清先意儲錢物以待
年逾五十猶跪受杖責不命不敢起也遇父忌日輒
隕泣置祭田築廟安坐自禱以上又割產與貧姊舅
氏族姻無告者衣食昏喪之從兄位三自信宜病歸
卒舟次俗忌以尸人懋清與弟共舁之殮正寢如禮
人以爲難鄉故多訟鬪自懋清情極而理噢之咸退

吳川縣志卷七 人物 列傳 堯

讓而謹良焉懋清年十二能誦十三經稍長益肆力
於箋注義疏手撰述十三經國語離騷諸子史及形
家言合所爲詩賦雜文爲卷凡二百十有四道光二
十五年卒年七十二歿三十年郡人先後以懋清所
著書籲學使者呈 國史館錢塘閣學汪鳴鑾稱其
爲學不務立漢宋之名而實事求是實與漢氏之學
相近又云其著書詳審精密博而能通無鑿空之談
無門戶之見識者題其言子四人方翽字雲圖聰明
彊記道光甲午優貢方翽以親老弟少不忍遠離膝
下圖進取庶弟士彬九歲與同卧起製竹牌書字詳
析音義晝夜督課以爲常治家囊無私財訓族存嘗

條理井井年四十七卒士彬辛酉拔貢生士彥廩貢

中書科中書士參廩貢儘先訓導方翺子宣崇歲貢

生據黃雲鶴墓碣

大理寺少卿茂名楊頤吳懋清像贊公之貌質而偉公之神闇而腴學則樸行若愚筆墨者心耶式族黨化鄉閭矻矻者力耶研鄭賈砥程朱旁通百家衷於儒尊不在爵德可模富不在祿理為精七品章服何舒舒孝廉之科名實符予生也晚不獲親丰采奉步

呼敦善不怠今則無瞽宗之祀僉曰

陳萬彬題吳方翺像贊繫公別我四十餘年今披遺像望之儼然迴憶高涼風簷共試條舉韻書不差一字公旋優選我繼後塵秋闈旅舍笑語常親尊甫人師湛深經術遠紹旁搜等身著述我家上家每過橫塘諳諳聽誨公總在旁燭跋漏殘益伸緒論上下古今瀾飛雪噴六書課弟案列諸籌圓通屬對緝綴珠球暇則攜鋤雜植松竹酷暑和寒表哀林麓我言聰敏公實絕倫胡弗閉戶模範昔人公謂習勤經句輒

吳川縣志卷七

人物 列傳 卒

病記錄幾何諒亦有命由斯推闢富貴功名持躬涉世奚必紛紛營我聆高談式符素願守拙養和敢歧隱見入萬里外旌節回華懸車及歲歸話桑麻企羨德門英英羣從詰嗣賢孫文史足用惟公既往徒想餘徽九原不作將誰與歸

吳河光字星海水潭人年二十五舉嘉慶三年鄉試天姿

敏慧工於詩自少負才名其客游北征諸集沈雄頓

挫深入唐格性落拓縱情詩酒往往軼出繩墨小及

官雲南江川知縣新興陸涼知州刻苦自勵為廉吏

歿於任同官購贈櫬乃得歸其族弟嘉慶戊寅舉人

國綬字綱齊工制藝設教數十年習舉業者咸取法

焉淡靜寡營不涉俗務晚官定安教諭亦卒於官

國朝訓導江西歐陽襄贈吳星海詩陳思得句敏二陸入洛早非關遭逢奇少年多懷抱君乃天驥才羈勒

全卻掃風性耽吟哦古意俱冥討五六七言中斯理
鍾爐造花鳥亦吾徒雪月原自好點綴薜荔牆活潑
芙蓉沼當共登嵯峨一嘯眾山小歸來巡簷笑便如
百事了醉吟君欲眠眠醒詩魂繞慨然係今昔倏焉
通釋道楚騷經痛哭南華戒煩
惱焚香誦君詩一誦香一裊

李士麟字紱亭

中街人

嘉慶辛酉拔貢生官澄海教諭日

與諸生討論亶亶不倦移任高要同官陸某卒無眷
屬士麟經紀其喪送之返里道光二十三年部選普
甯教諭未抵任卒年七十有八子六廷颺廷經俱訓
導孫曾官學校者八人據林召棠撰墓志修弟士衡字平堂歲
貢生有幹才肯任勞怨倡建東水賓興惠郵寒士署
連州學正州有冒籍案纏訟十餘年州牧委士衡代
決之兩造休息子廷彰崖州學正保陞知縣補普甯

吳川縣志卷七

人物

列傳

空

教諭未任卒

吳家駿字敬齋少穎慧年十三應道試學使戴衢亨見
其卷卽首肯餉以資食日午三藝已畢戴出以烟竹
指其腹曰爾年許小爾腹何多書也遂補弟子員嘉
慶辛酉屆選拔教諭羅禮綿特報二人一林聯桂一
卽家駿也是科聯桂貢家駿陪之越庚午舉於鄉屢
上公車不第晚授直隸州州同未仕以授徒終於家
子璵光瑄光迪光俱諸生採訪冊

國朝閩秀茂名梁純素贈十二歲吳秀才詩異品應從
上界來瓊枝未蕾卽花開入場共識奇童子謁聖齊
呼小秀才投檄終軍方少艾鬪雞王勃尙嬰孩阿誰
誕此甯馨物未冠聲名播九垓
邑人林召棠題吳家駿像贊崧岑先生少負異稟髫
齡入泮亭亭玉立往來親串家子始束髮就塾見而

慕之又十餘年同為縣學生輜軒按試恒互為甲乙
然先生沈酣載籍文采溢發予愧弗逮也先後登賢
書會集京邸爾後人事牽綴里居日淺不獲數數再
合道元戊子予謝病歸陔伏敝廬先生歸道山已十
稔賢子孫能讀書繼先業蓉江世講奉先生遺照屬
題寄賦短詩二章 夢中錦段贈邱遲年少才華玉
樹枝猶憶揮毫珠琲粲長廊風定日斜時 牙籤觸
手富琳瑯氣吐晴虹夜有光壯志生平酬未盡楹書
留付白眉郎

李玉荆字瓊山玉茗弟道光十五年 恩貢生兄弟五
人長四俱先歿次玉茗出仕少出繼父年老惟玉荆
侍左右能盡厥職喪葬俱身任之嘗寓石門鹽阜聞
舟溺號於眾曰有能拯一命者賞錢二十緡漁舟爭
先遂出八九人於水先是其長子少年不謹自此改
行人謂行善之報採訪冊

吳川縣志卷七 人物 列傳

空

吳懋基字角峯光禮少子嘉慶十八年癸酉科舉人已
卯備中選 國史館騰錄官旋以大挑二等任嘉應
州學正裁減歲科試生員冊紙之費新進庠者不責
束修時歲大饑力贊官紳發粟丁內艱歸仍課徒外
鄉年節回家與兄懋清食共桌寢連床講論問答諸
子姪環侍每夜三鼓始就寢後任番禺教諭聞兄歿
設位於署朝夕奠哭罷官歸長姪方翽故諸庶姪幼
兄未葬泣曰兄有手擇金釵嶺為我壽壙者吉推以
葬兄吳川士多寒峻鄉會試艱於貲谷川西一帶向
無書院懋基與封職陳毅行舉人李玉茗學正李偉
光倡率捐題建川西書院設賓興膏火培植士類年

七十八卒手著四書得一日誌二十卷

劉得高字震亭

城內人

未冠入伍由外委拔吳川營把總

嘉慶八年海盜陳德勝餘黨擾洋面瀕海居民苦之得高守西臺汎巡察綦嚴會賊有登岸偵探者得高留心密識之捕數人解縣一訛而服又會各鄉募勇協力固守賊無隙乘遂去以功擢東山營千總九年海盜鄭七等船數百艘縱橫海上吳川碇洲東山三營奉檄出舟師會勦戰皆失利各欲解散得高奮然曰臨陣退縮軍法不容且死生有命又何逃耶奮力衝敵親燃大礮中賊舟斃賊數十賊遁去是年陞龍門協右營守備總督百齡聞得高名檄從勦海盜弁招撫張保鄭一妻金古養等前後錄大功數十次保陞香山營都司入都引 見奉

吳川縣志卷七

人物

列傳

三

旨以得高洋務諳熟擢海安營遊擊得高抵任繕修礮臺勤訓練嚴緝捕海口安謐尋補海門參將陞香山協副將調補崖州協副將時值歲荒饑民倡亂勾引黎岐橫行劫掠得高至任勦撫兼施戮首惡散脅從並察其才可用者使之偵探導官兵直抵賊巢擒斬無算全境肅清陞瓊州鎮總兵未幾積勞成疾臨卒訣別將佐誼誼以天恩未報海盜未平爲憾所言不及家事歿之日官民無不慟哭流涕子紹蘭東山營守備事繼母以孝聞

採訪冊

黃樹賓原名之驥字孟騰號修存祖香子也樹賓幼隨父泰州任所年十六父歿奉母僑寓揚州服闋由監生名洵寄大興籍中嘉慶二十三年戊寅 恩科順天副榜道光十七年丁酉更名隸昌中式順天舉人明年復更今名聯捷進士以知縣用分發山西署大同太原充癸卯鄉試同考官補靈邱以距寄籍大興在五百里內對調交城樹賓政治尚嚴除惡務淨交城本簡缺而捐攤繁費等項列在上中歷任無不虧累樹賓詳明上憲改爲苦缺一切用項從減後官斯土者得免賠累邑有卦山書院廢棄已久其地多官木康熙間民爭樵械鬪奉部封禁二百年來松柏叢生倒息回乾者甚多樹賓查明舊案親往履勘牒大吏咨部開禁舉公正紳耆董其事貨倒息之木得萬餘金除修理書院外餘生息爲延師課士資立規條垂永久遞年採儲地方公用一切義舉悉取給於此土民建祠書院旁春秋報賽焉丙午調鳳臺丁未再調介休介休多富戶歲有蓄規出入衙門不無倚勢而窮民又以訛索富戶爲事樹賓杜絕幫規不與富戶往來而窮民刁悍者復懲之地方肅清日決訟數十事親筆判斷洋洋灑灑數十百千言邑之人爭觀傳誦晉俗尚儉獨介休民多貿易三江習染浮華喪葬婚嫁之費傾家不惜樹賓定以規條風俗爲之變

地當衝途差務繁重凡可體恤民力者靡弗周至辛亥春患瘧赴省就醫歿於寓身後蕭條介休士民舉柩回邑醴賞以歸其喪樹賓生平爲文多不留藁所爲詩芟削甚嚴存僅百篇任交城時手錄成帙釐爲四卷梅伯言秋曹曾亮序之盡失于洪逆之亂後其弟之駟至晉陽門生宋玉堂家得慎六生齋殘稿二

卷授諸梓

行狀

之駟字季剛官山西巡檢

採訪冊

陳訓行字懿圃景清次子幼聰穎初應童試時值邑令與景清籌海防策偶問子弟能文者將拔冠軍訓行聞之攜考具徑歸年二十九始游庠時人服其澹定邑學官圯訓行督理捐葺始終不懈又勸建川西書

吳川縣志卷七

人物

列傳

奎

院彙案獎議敘八品頂戴好讀書鈔閱無虛日於王已山四書滙參尤留心推闡增訂至四百餘條性友愛兄兆行弟禮行敦行敬行毅行俱 敕誥封疊膺年登上壽暇時歡敘恒至夜分早年家計取給館穀迨子孫成立產業稍裕仍布衣蔬食如平時家居另備衣履席褥藏淨所爲拜祖謁神用其樸誠如此道光廿二年會匪肆劫議保甲行於鄉復詣郡請委員擒劇盜十餘人境內獲安咸豐四年土匪幾陷縣城事平辦理善後良懦株累者衆力爲解釋吳川漁課每單應銀貳兩有數十單無的戶胥役遞年藉以擇噬不問是否漁家也訓行力言於官惟獲海鰥者酌

幫漁課民既無擾官亦無虧今循行之卒年八十五
長子蘭舒渾厚謹飭游庠後八試一等以歲貢選授
文昌訓導次蘭韓 誥贈榮祿大夫生而勤靜甫弱
冠手錄文字已盈數篋復奔走請業於鄉先生刻苦
成疾而歿次蘭彬癸丑翰林官左副都御史署兵部
右侍郎禮部左侍郎次蘭疇附貢生署潮州教授奉
養父母藥必親煎母病垂危卧母榻側夢白衣大士
教服竹瀝水服之果愈人謂孝感邑南岑霞溝爲高
雷廉通衢行人病涉光緒戊寅自出貲建造石橋並
造光村兒橋其樂善饒有家風云

毛昌善
兼纂

林高鵬字羽健紀蘊子歲貢生有綜理才邑中張惠二

吳川縣志卷七人物

列傳

奕

公祠久無祀典諸生林文捷瞽目授徒積修脯以奉
祀託高鵬經紀祀事遂豐復有餘貲周文捷身後其
祖南峯公祠產薄高鵬以廩膳奉香火爲弟姪先繼
長增高蒸嘗遠裕長子隆基天才駭發年十四以郡
學第一補諸生越五年中副榜識者以遠大期之年
僅三十三遽歿三子隆章字斐堂由 恩貢生官文
昌教諭生平深沈有智略耐勞苦先是吳川地貧瘠
士之赴鄉會試者大抵困資斧道光中舉人李玉茗
吳懋基封職陳毅行學正李偉光等倡議捐貲爲邑
士子賓興費建書院於邑西黃坡墟是爲西水賓興
然未能遍及邑東也高鵬於是與歲貢李士衡吳章

漢踴躍籌貲名曰東水賓與旣成隆章與李廷椿經理之隆章極力搏積赴試之士至今賴焉孫蓉植諸生勇於公事有祖父風就職同知光緒十二年從征

黎岐卒採訪冊

林紹祖字繼徽香賓孫布政司經歷職倜儻任俠不拘繩尺以才智自奮好為人肩艱鉅吳川徵比急窮民貧累者眾登門乞為緩頰紹祖拔私囊代償之高州通判某退梅菜穀米吳民大譟通判以吳民滋事上訴大吏委員審鞫紹祖與舉人吳河光挺身出為貧民剖析源委事得直饑民獲濟出嗣子啓熙官訓導

據採訪冊及心亭亭居集修

吳川縣志卷七 人物 列傳 七

邑人林召棠題小照詩嶽嶽精神峻披圖欲斂容將軍知劇孟豪士數元龍碧樹秋霜落黃花玉醕濃誰言一邱壑雲夢直吞胸

鄭高文字蘭池輝曾孫歲貢生性質通粹鄉族稱孝友族姓貧不能娶老無以養者貲之造就後進多成材生平慎飭非公事有司罕見其面苦心向學兼通諸子百家及天文諸書著有學庸詳解五經音訓心日齋詩草並註鐵仙鎮海樓集唐七律一百首藏於家子徵蘭候選州判孫僑勳廩貢署海康遂溪訓導徐聞教諭族孫廩生章理字黃江人品端方淹貫羣籍尤工詩賦雖數奇不第而試必優等授徒數十年裁成後學得一佳士輒譽不絕口年將及貢而卒採訪冊

邑人林召棠題鄭蘭池像贊猗歟先生賦質淵純處
恭夙夕承歡二人鵬辰授書研經貫史才雋一鬢英
聲蔚起貢入成均羣彥駢羅籀摹周碣篆釋郇戈繩
墨試陳人之模範叩鐘攻木梓斷絲染懿彼淑德宜
楚公後宜承椒書可讀瓊枝森挺

陳曾慶字蔭園黃坡人附貢生選用縣丞生平好善族生

員難之爲債家所迫學使案臨幾不得與考代償數
百緡解之璣之是科選拔曾慶幼讀於流泗岸文昌
閣路苦難行既壯獨力修築嘗倡建祖祠經費不敷
釀貲繼之祠有嘗會錢九千餘文管蓄數百貫得濟
荒歉支科費至今賴之里黨貧不能娶者厚爲依助
又有娶不能養者議去婦曾慶止之按月給米食歿
後子汝蕃繼志恤養終其身曾慶與邑人林召棠同

吳川縣志卷七

人物

列傳

矣

學以道義相高召棠以女妻汝蕃汝蕃性篤孝母多
病侍湯藥常衣不解帶由廩生官四會縣教諭與諸
生疊疊講習未幾丁艱去任諸生送別多流涕者年

四十一卒

邑人林召棠陳君墓碣陳君名汝蕃一字椒明吳川
黃坡人祖諱懷聰國學生考諱曾慶縣學生即用縣
丞母李氏君弱冠補弟子員歲試第一食餼道光甲
辰銓四會縣教諭丙午丁內艱己酉九月卒得年四
十有一君考少與予同學甚契欲結姻以永好予長
女後君一年生遂以歸君君少就傅不與外事失怙
治家政井井一弟少攜持成立處族黨朋友有合譽
君之官四會也予主講端溪買小舟沂流訪君琛林
壑訪禪宇問園亭居三日甚歡鄉先生學中子弟皆
喜就君欣欣樂慕知君能爲人師也母病奉板輿歸
遂居憂服闋方謀再出君精明能撥煩解紛渾然不
見圭角體貌豐碩宜有遐福君疾予數訊醫者皆曰
無害予意君必不止此未幾訃至不獲走視執手爲
訣可惜也三子周楨府學生周梓模當能讀父書者

女四兩適七族一鞠於弟婦一君卒後始生孫一咸豐丙辰十二月諸子葬君於茂名沙縣墟之潭芋山予老不及視君窆書於墓誌予愧焉

陳輝龍字靈川

南州人

由行伍拔外委道光六年遷吳川

營左哨把總十年陞千總十六年陞海安營中軍守備二十二年遷香山協中軍都司二十六年陞廣海寨游擊三十年署水師提標中軍參將尋陞澄海營參將署大鵬協副將咸豐元年實授三年二月以捐備軍餉下部議敘十一月擢山東登州鎮總兵時粵匪沂江上駛再擾湖北武昌漢陽及湖南岳州府四年六月前任禮部右侍郎曾國藩湖南提督塔齊布等督率舟師沿江進剿輝龍奉調帶廣東兵船隨往

吳川縣志卷七人物

列傳

完

七月攻復岳州輝龍偕陞用道褚汝航同知夏鑾等剿城陵磯下游賊匪輝龍自乘拖罟船率所屬水師弁兵先進褚汝航等督軍繼至值賊踪出隊意圖上竄輝龍等排列戰艦併力合攻殪賊多名燬賊船數隻賊披靡向下游敗走遊擊沙鎮邦跟蹤追擊輝龍督催拖罟船策應時風色不利乘舟膠淺賊蟻集來迎適湖港賊船由兩岸後紛紛擁至水軍馳往救援舟被風阻不得進賊船四面環擊兵勇陷入重圍遂失利輝龍死之曾國藩等奏

聞

諭曰此次陣亡之山東登州鎮總兵陳輝龍奮勇殺賊

因船膠淺以致捐軀殊堪憫惻著交部照例議卹尋賜卹如例

予諡壯勇

賞騎都尉世職襲次完時給予恩騎尉世襲罔替

史館

傳列

李偉光字奇軒

嶺頭人

由增貢生就職訓導署欽州學正

事親孝教庶弟充材恩義兼盡積贏田產五千石任弟分取存蓄嘗業建其祖渾菴公文林公祠且各捐田租五十石贍之房祖祠嘗薄益以租百石道光十七年捐錢千緡創建川西書院於黃坡墟修那瀉渡路黃坡梅菜渡頭費逾千金堂叔無後為立嗣建宅

吳川縣志卷七

人物

列傳

辛

娶妻每年節必徧贈其服親歲饑輒出穀賑濟充材字竹虛官遂溪教諭周卹族黨保護諸從子不愧乃兄士論兩稱之

採訪冊

吳章漢原名高魁字星煊國芳曾孫歲貢生性樸直家附城足不輕履衙署然公事有關鄉邑者輒力為補救東水宿興貴產章漢實有力焉孫錫庚光緒乙亥

舉人

採訪冊

李靜香字育圃

嶺博人

增貢生候補訓導自少孝順弱冠

後喪母繼喪父恪事後母如所生未幾次弟又歿遺孤在襁裸撫之如己子延師訓子姪嚴加督課一購雋庠序者五六人掌教政積產贏數倍迨與弟姪析

居分毫無私蓄採訪册

陳秉文字樸初乾塘大坡人道光戊子舉人家貧苦志力學

從舉人吳國綾游國綾賞其穎敏教以簡練揣摩之

法制藝思沈力厚深得前明及國初諸名家氣息講

解四子五經書義滾滾如懸河得課卷應手繩削精

熟不暇思索科舉之士宗之性簡率絕跡不至公門

士論重焉採訪册

曾秉忠字允堂院村人咸豐四年四月由行伍隨剿湖南

湘潭縣逆匪出力以把總即補

賞戴藍翎七月以克復岳州擢千總十一月陞守備五

年三月以克復湖北黃州各城出力

吳川縣志卷七 人物 列傳

命以都司陞用先換頂帶十月至六年二月移剿漢陽

踞匪湖非巡撫胡林翼以秉忠勇敢善戰所向有功

奏入以遊擊儘先補用並

賞換花翎七月補江南江陰營遊擊十二月以克復漢

陽擒斬多賊經湖廣總督官文奏保以叅將儘先陞

補八年調赴河南剿賊解固始城圍

命以副將記名簡放並

賞勵勇巴圖魯名號十年正月逆匪竄踞浦口等處秉

忠率兵勇水陸並進薄其巢壘踏毀沿江一帶賊營

斬匪千餘級復分路進攻九洑洲老巢盡克之奏入

得

旨交軍機處記名以總兵簡放三月賊擾長興官軍屢
攻未克秉忠帶長龍船由大湖夾浦直達包洋河督
兵勇夾攻賊敗入城師船從小東門水關駛入遂克
縣城旋以湖州危急秉忠一晝夜馳至湖故水鄉城
濠深濶秉忠始以礮船奮擊尋捨舟登岸首先陷陣
所向輒靡城中偵知援兵至開城接應內外夾攻賊
遁去是役也兵勇僅千人破賊數萬閏三月督飭師
船進攻陽深阜時賊勢張甚秉忠出奇兵繞賊營後
兜勦賊眾倉皇逃遁遂由黃家橋追至觀莊殲斃多
名五月

命授福建汀洲鎮總兵旋以會勦王家港賊在事出力

吳川縣志卷七

人物

列傳

三

捷上

賞提督銜九月進攻青浦賊巢屢戰歷二晝夜將城外
賊卡悉燬毀之身受鎗傷猶奮勇追擊賊眾大潰奏
入

上嘉獎之下部優敘十月賊撲江蘇金山縣楓涇鎮等
處秉忠派守備楊貴福等會合金山縣知縣周紹瀛
併力扼勦親率水師迎頭截擊大破之復楓涇鎮賊
又糾合蘇常大股徑撲廣富林圖犯松江時秉忠甫
自楓涇收隊泊龍王廟卽日分三路進攻敗之賊復
竄寶山縣之羅店鎮秉忠飭都司姜德分三隊設伏
誘賊出戰自率中隊當先令左右兩翼夾攻賊潰捷

上

命以提督陞用遇缺題奏十一月

命陞福建陸路提督旋署江南全省提督十一年二月賊由清浦並擾嘉定復撲廣富林大營秉忠均擊敗之賊由水陸分竄秉忠率水師邀截又大破之賊陷海鹽秉忠偕副將張威邦等赴援旋即克復隨進勦金山賊匪直抵平湖斃賊無算五月賊由乍浦撲金山衛城迎勦獲勝追過平湖所屬之金公亭忽有另股巨匪突撲廊下鎮秉忠帶兵勦擊賊卻旋竄呂港秉忠督礮船環攻盡殲之其大泖之賊偷搭浮橋擬據河抗拒秉忠復率水陸各軍將浮橋拆毀奮勇齊

吳川縣志卷七

人物

列傳

三

進斃黃衣騎馬賊目五名擒斬悍賊數千名轟沈賊船數十隻淹斃無算賊焚浮橋而遁我軍過河搜捕焚燬賊營金山境內肅清六月賊在平湖境內設卡圖犯金山遂竄明珠港秉忠帶兵絕其歸路賊眾驚潰逆首狼天義與西塘鎮逆匪邵天福糾黨圖撲章練塘及洙涇秉忠派守備林隆祥等督帶戰船會同經歷胡鈺迎擊復帶各軍自行接應攻破白虎頭賊營乘勝攻塘西鎮毀俞滙賊卡七月蘇州股匪來援浦口秉忠飭副將李恒嵩助勦擊沈賊船多隻淹斃多匪九月賊襲陷金山衛城竄過柘林擾南橋秉忠督軍由南橋進援復柘林及金山衛城同治元年二

月帶兵駐洙涇賊突至奪去礮船我軍潰退秉忠以疏防要隘

命禔職發往兩江總督曾國藩軍營差委四月分撥水師規復洙涇並派各軍分路繞擊賊不能當紛紛逃散遂復洙涇五月并攻克青浦二年卒於軍江蘇巡撫李鴻章等以

聞

諭曰已革前署江南提督福建陸路提督曾秉忠由廣西調赴軍營從征十年轉戰數省頗著勞績前因洙涇失守降

旨發往曾國藩軍營差遣嗣於攻克洙涇經該撫奏請

吳川縣志卷七

人物 列傳

七

暫留協防旋將嘉善平湖股匪擊退見因積勞成病在營身故著加恩開復革職處分照提督軍營病故例議卹尋

賜卹如例

予諡壯果

國史館列傳

子繼庸字秩初有幹才卹蔭官蘇州

通判

採訪冊

國朝優貢茂名許汝賡贈曾秩初詩萬里趨燕薊三冬入晉秦去衝函谷雪歸及漢陽春過眼關河古橫腰劍缺新勝游予最羨將種得詩人

林詒燕字心彝召棠子幼聰穎工書法淹博善文道光八年戊子受知於學使翁心存以優行貢成均隨父入都獲交當代英雋學益進留居春明試順天鄉舉

不第嘗遊從化訓導諸生某以非罪爲令所持幾不測詒燕力護之致令書侃侃千餘言令氣沮事遂寢調信州訓導未二年丁內艱歸以父年老遂不復出天性坦易藹若春風與諸弟處怡怡友愛弟詒燾少豪宕喜濟人急負累三千餘金詒燕爲言於父代之償弟詒薰詒烺復贊成之無吝色家居三十載志潔而守介外圓而內方託爲詼諧之談絕口不及公事至義之所在又毅然不可奪蓋所操然也子四人晉埜同治癸酉拔貢官封川訓導餘俱諸生弟詒燾字叔盛邑廩生事親孝生母區多病詒燾始十二歲自浙米炊粥問所喜者市之扶持便溺恒自撫摩每說

吳川縣志卷七

人物

列傳

七

道路傳聞以博母歡生平勇於任事舍己爲人恤阨解紛鄉里多感其德年三十七卒人咸惜之嗣子晉壇官學博

李廷椿字壽鏡父士鰲恩貢生候選州判品端學粹杜門卻軌專以教子弟爲事兄廷松附貢誠樸好善時稱長者究心制藝鄉試七薦不售晚年官封川訓導課士有法廷椿爲人寬厚能任事同治間知縣姜光耀修吳川城移建文場創萬壽宮尊經閣前後三年廷椿與訓導陳蘭植恩貢林詒薰等共勞苦光耀倚之如左右手家本中貲以急公樂義通負山積賻還後晚景頗困廷椿晏如也由歲貢生官澄邁訓導

調萬州補陽春愛惜士類不責修脯諸邑人士稱之
子章焯附貢生章烜增貢生署文昌訓導採訪冊

林景隆字福屏善城抄橋人廩生秉性純篤終其身無疾言

邊色愿年授徒在外時節歸必伴其父卧館穀所入

與諸弟共之林植成字培根下街增生待人恕持己

恭古心古貌課士以聖賢為法雖多年僕隸未嘗見

其怠傲之色

孫祖貽字穀田三江人少穎慧年十四肄業吳陽院中

時主講為吳舉人懋清湛深經術知縣則李莊幕客

則嘉應李茂才光昭夙擅詩歌院內諸生皆一時英

俊祖貽以髫齡抗顏行名大噪年十八補弟子員疊

吳川縣志卷七人物 列傳 美

試優等以歲貢老深於宋人四六其律賦詞鋒敏妙

別饒天趣詩韶秀有元人風調性灑脫跌宕自喜晚

年多入府縣幕然未嘗為人說公事雅好古遇怪石

古器輒摩挲不置得古錢寶之如彝鼎有燕翼堂賦

稿採訪冊

林召棠題穀田小照詩題我桃花屋詩含曉露姿訪

君竹里館茗啜晚風時展卷得新趣出塵生遠思囊

琴須一撫寫韻上冰絲
陳紹字亮臣鳳輦人少孤貧力田奉母鳳輦屬邑之南三

都斥鹵瘠貧民俗近陋罕讀書仕宦者紹生有血性

識忠義咸豐初洪逆蹂躪大江南北邑人曾壯果秉

忠由行伍立功不數年官至江南提督紹慕之以老

母託其兄荷戈從戎咸豐十年隨總兵張其光効力
行間身經百戰尤熟悉洋面情形涉風濤中如履平
地在浙積功歷保以總兵儘先陞補加提督銜補授
浙江象山副將同治七年閩浙總督英桂以黃巖水
師喫緊奏調署理總兵節次出洋緝捕無不身先士
卒恒以戰艦假作商船微服誘敵故能屢擒渠魁諸
賊膽落八年浙江巡撫李瀚章以紹曉暢營務整理
有條足備干城之選爲水師中不多得之員專摺

奏保以總兵記名 簡放九年三月廿七日黃巖著
匪金泳利等勾結黨羽游弋台洋紹聞報立督舟師
馳捕廿八日駛至白岱門洋面紹飭右營遊擊江九

吳川縣志卷七

人物

列傳

七

華管駕師船五號駛赴北洋自率守備梁福海駕師
船五號周歷南洋廿九日瞭見外洋東機舉泊有盜
船紹駕艇駛至罌口開礮盜亦開礮抵拒潮落水淺
艇船不能進紹卽自下三板躍登干總楊郁所駕哨
船瞋目虎吼進攻盜辟易落水無算無何風急衝入
盜船夾縫中紹連放洋鎗斃盜盜多鎗雨下紹身受
重傷干總楊郁蔡騰光皆戰歿紹帶傷力戰手斬悍
賊數名顧謂守備梁福海曰吾力竭矣死無所憾汝
速脫歸再整軍滅賊以報 國家可也言已而絕年
三十有六先是紹每戰必陷陣或勸之使自愛紹曰
紹一介村農竭力耕田卒歲恒不得一飽今一旦游

陞專闕重祿養親 天恩厚矣誓以死報 國馬革
裹尸爲幸安望生還乎至是果然死綏後遊擊張世
忠劭弁田慶保赴洋尋獲紹骸徧體火傷四肢殘缺
歸元之日軍民靡不悲悼至有痛哭失聲者官民賻
贈旬日萬金浙撫楊昌濬以紹死事慘烈奏懇 敕
部從優議卹並稱紹平日治軍嚴肅臨財不苟所用
軍械火藥每有不繼捐廉自備故其身外不名一錢
釀金爲殮上有七旬老母下祇三歲孤兒其一腔熱
血忠心報 國之誠洵不可泯英桂亦稱紹臨難之
烈死事之慘皆由血忱所激迥非猝然遇難者可比
請 旨優卹奏上

吳川縣志卷七 人物

列傳

七

毅皇帝震悼諭曰浙江署黃巖鎮總兵陳紹帶領兵船
出洋巡哨在東機輿地方猝遇賊船該署總兵開礮
轟擊斃盜多名遽因潮落水淺被風衝入賊船隊中
力戰受傷與千總楊郁等同時遇害並據楊昌濬奏
稱該署總兵平日治軍嚴肅所有軍火悉皆捐廉自
備緝捕甚爲得力此次巡洋捕盜力戰捐軀殊堪憫
惻提督銜補用總兵署浙江黃巖鎮總兵象山協副
將陳紹著從優照提督陣亡例議卹並准其黃巖縣
及原籍廣東地方建立專祠加恩予諡交國史館立
傳以慰忠魂旋奉給卹銀八百兩加贈太子少保銜
並給騎都尉兼一雲騎尉襲次完時給予恩騎尉世

龔罔替

賜諡勇烈子康祺承襲

據檔冊及採訪冊修

李國香字文畹

芷字

增生少工詩詠殘菊有云一雙瘦

蝶自秋影三兩寒枝空夕陽林修撰召棠激賞之年四十絕意進取授徒江陽書院生徒歲逾百人貌古樸嚴取與有投贈者必峻卻之嘗館黃坡陳氏秋風至矣寒衣未辦主人以衣假之亦弗受也天性友愛養寡嫂撫孤姪數十年如一日光緒九年卒

李星祥字魁樓

三柏人 居海棠

舉人上猷孫廩生滋康子也歲

貢生性友愛其弟不事產業好飲酒星祥自奉甚薄而於弟佐酒物無或缺弟得癱疾每夜必費白錢僱工抑按皆出自星祥館穀中其篤摯如此

吳川縣志卷七

人物

列傳

七

伏兆誥字牧堂父安航教職兆誥謙謹力學道光己酉科選拔 朝考二等以教諭用初任翁源遇土寇圍城與紳民登陣守禦三月餘圍始解後任陵水永安學訓士有方子景瀾光緒乙酉科拔貢生

彭玉字子珩

大寨人

生有智畧血性過人少孤家赤貧隨

估舶往瓊南思博升斗奉母颶風覆舟漂流大海中兩晝夜遇救獲免越南土匪嘯聚狗頭山剽劫行旅雄於貲同舟人糧絕謀在依之玉不可忍飢獨行叢箐中遇羣虎若為導者既皆搖尾去玉熟聞

國初靖逆侯施琅事迺益自負當是時逆賊洪秀全煽亂人號粵匪玉竊不平思殺賊立功一洒粵人恥會

黃巖鎮總兵黃彬時以參將統帶紅單船玉應募隸
戲下咸豐六年隨勦鎮江瓜州賊累戰皆捷獎六品
藍翎九年五月大軍攻圍九洑洲賊巢久不下玉以
九洑洲爲金陵水路咽喉欲制賊死命非據是洲不
可險約死士乘黑夜衝突玉首先登壘殺賊卒破其
巢殺千總十年三月總統張國樑殉難丹陽賊逼揚
州烽火相望揚民一夜數驚危若累卵玉激勵水軍
嚴守備出奇冒險共保危城衣不解帶目不交睫如
是者累月八月逆酋李侍賢復糾悍賊四萬麇集撲
城勢張甚署江甯將軍巴棟阿出城奮擊玉立船頭
大呼曰今日不死戰是無揚州也誓不與賊俱生手

吳川縣志卷七

人物

列傳

全

燃巨礮轟賊多斃諸艇船繼之皆勇氣百倍礮聲碎
旬三晝夜不絕賊大受創去以功擢守備玉在江北
數年水陸接仗衝鋒陷陣奮不顧身張國樑愛之嘗
自解所戴冠授玉曰此合讓汝也黃彬以總兵幫辦
軍務總統水師玉寢疾逾月黃彬手調湯藥昕夕問
病勢輕重出入無停趾往往徹夜不眠拊牀歎息或
曰一弁耳公何自苦彬曰此吾左右手也焉有手羔
未瘳而能安枕者乎其見重如此十一年八月都興
阿黃彬合疏奏保詔以都司用賞換花翎同治元年
揚防肅清擢游擊是年冬都興阿檄玉帶船嚴防口
岸玉不避風雪蚤夜梭巡截賊東竄二年三月協水

陸各軍攻克江陰縣楊庫汛城尋調防英洲黑沙兜
獲洪逆親屬洪仁尙等九名送大營正法

詔以參將用加副將銜三年長江肅清水師奉裁回粵
粵督瑞麟器之留標委用四年七月檄帶象字營拖
船巡緝外洋十月署大鵬協副將旋奉檄赴曹冲勦
辦客匪瑞麟奏稱彭玉巡防捕務均能實力虛心華
洋歡洽精細明慎有勇知方幹練耐勞操縱得法爲
水師難得之選請存記錄用 詔如所請六年五月
客匪投誠 詔以副將仍歸廣東水師補用隨奉檄
帶拖船及鎮海輪船赴瓊洋緝捕玉在驚濤駭浪中
獨駕小舠一如平地盜賊望風奔竄迺懸賞購線拏
獲洋匪李茂仔等四十六名洋面爲之一清七年開
辦新安香山等處洋藥釐廠八年補崖州協副將九
年二月署陽江鎮總兵會廉州北海以抽釐罷市瑞
麟檄玉會辦地方官以奸民謀亂聚眾抗官將興大
獄株連數百家人情皇皇多有逃往越南新嘉坡者
玉至訪拏首數人解辦餘勿問人心迺安瑞麟責
以寬縱玉曰此案始由三五游棍攘臂而前愚民無
知隨同觀望事起倉卒非有同謀也首從業伏辜何
庸波累良民乎瑞麟色爲之霽十一月卸任十一年
五月調署大鵬協副將十二年十二月奉
旨記名遇有廣東外海水師總兵缺出請

旨簡放光緒二年五月署碣石鎮總兵尋實授三年三月丁母憂開缺五年起復粵督劉坤一巡撫裕寬會疏請玉暫緩進京留於廣東辦理海防八月署瓊州鎮總兵七年 陛見左宗棠遇玉於乾清門立談甚久語人口吾聞彭某名久矣其樸勇忠誠不在老彭之下蓋謂兵部尚書彭玉麟也尋補授瓊州鎮總兵八年十二月茂名土匪莫毓林謀亂大會於二十四嶺十六夜圖襲郡城不果電白股匪亦同時竄入縣城爲官軍擊散而訛言四起富室紛紛逃避如失巢之鳥不知所向玉時在省自請於署督曾國荃帶輪船回高州查辦三日馳赴水東越日至梅菪從亂之

吳川縣志卷七

人物

列傳

全

民始斂戢避地者稍稍還家乃敢作度歲計是役也非玉機應神速亂萌豈易遏乎先是玉署大鵬協屬九龍外洋毗連香港港中總督領事稅務司各國巨商通事與夫各院肄業之英俊時時接見推赤心待之羣相信服故於洋人情事如燭照數計洞中肯綮每出一言咸唯唯聽命其有外來洋船非理要挾者援萬國公法折之瑞麟遇中外交涉及一切疑難事悉以委之一經布置靡不妥帖前後粵督劉坤一曾國荃張樹聲均虛已以聽返粵以來雖在任出巡回藉守制每有商確奉檄往來故寓省之日居多垂二十年華洋相安無事者玉之力也積勞成疾九年四

月卒年五十有二玉性剛直遇事敢言不少假借理
之所在眾口訾訾所持屹不可奪人共信其無他故
卒行其志馭下嚴而有恩三任專閩所至兵悅而民
懷之樂善好施予倡諸善堂解囊無吝色尤加意桑
梓嘗念吳川地瘠民貧五穀不敷終歲食所出薯蕷
黃麻皆以賤價轉售為他邑利欲教民婦女織包磨
粉設渡船載往省河發售以資生計新設鎮文墟捐
建義倉書院修築三江隄皆捐廉倡始揮斥千金壬
申戊寅歲饑僱輪舟轉米平糶活人無算又以歲科
新進寒士籌餽學師贄見束修之苦與邑紳創印金
局欸出公費榜發諸生高枕臥貧富皆便之久而忘

吳川縣志卷七

人物

列傳

全

其所自王之德被鄉閭者多此類也四十後生三子

杰墀煥墀炳墀皆英英秀特人謂盛德之報云採訪

彭子珩鎮軍王保護桑梓如運洋米築三江壩設鎮
文書院助成印金局皆功德在人究不如救莫毓林
之亂之為功速也光緒八年毓林謀逆聲張各官憤
憤電白知縣鄭履端審解明火掠盜到府知府鍾秀
任聽教供詞翻異水東紳商稟賊巡道英謙擲還呈
詞跟究經手梅麓覃巴局紳迭稟於道府縣亦被批
斥旋經府委茂名縣王之澍到梅麓查訪之澍意嚙
富紳則以挾嫌誣良稟覆并將抱告羈押而賊風愈
熾矣時子珩在省垣管帶釐務輪船紳士函訴即面
稟督撫委員來高詢察之澍賂之十二月十四日以
匪大會茂南之二十四嶺賊以萬計入夜毓林驅黨
來城然廣西老賊未至所遣東門嶺及入城之匪約
號不驗賊眾驚散其電白股匪亦同時竄入電城都
司鄭廷熊斃賊多名驅之出十七早各官猶往道署
飲酒任城匪遁去而電自化州及各鄉團練紛紛告
急鍾秀始倉皇請紳士設策維時高鎮練營兵丁以
季冬扣餉歸家在城者僅十四人鍾秀乃沿街拈鬚

商戶登城防守至總鎮莫雲成所獲內應之匪四名
之澗不遽研訊各官仍諱匿未報訛言四起人心慌
亂如失巢之鳥不知所向廿二早子珩在省聞耗卽
稟督撫乞自帶輪船兵勇查訪廿六至電白廿七至
水東廿八至梅麓從亂之民始斂敢避地者稍稍還
鄉民乃敢作度歲計明年督撫委周道憲至纔陸續
辦善後是役也守土官執迷不悟紳士無權其不蹈
陳金缸故轍幸耳然非子珩救護迅速則歲除之際
必有不勝騷擾者輪船一到眾燼
皆以此功誠不小矣吳宣崇識

林熙春字暢韶人下街學博蘭王子少孤事母孝力學工

書素有大志咸豐七年以訓導投安徽布政使李孟
羣營李公奇其才委理糧務文案等事旋以援剿固
始功奏保直隸州州判十年署廣西容縣知縣時容
境爲賊范阿音久據糧絀民疲熙春下車籌餉募兵
迭次收復四十餘堡勤幹廉明爲上游器重同治二

吳川縣志卷七 人物 列傳

四

年以勞卒於軍營未竟其用咸惜之 贈憲儀衛經

歷容民祀焉子來旬廕生未仕卒孫壽彭廕縣主簿
陳子廉字簡卿國光曾孫也祖泰初父詒清俱諸生子

廉少失怙家窶貧事祖母與母色養無違母或不懌
必跪側俟母歡然後起與弟友愛五十年不少衰旣
壯以縣丞分發廣西委署南甯府經歷勦逆匪吳凌
雲有功保陞州同署新甯調永康時隆安羅陽土匪
桀黠窺伺知府楊廷璵方勦辦龍州匪乘虛襲府城
勢危甚子廉募勇捐糧星馳赴郡與護府黃文棠協
守城卒保存旣而屬內土匪林喬森黃體武等又起
子廉留勇助勦搗其巢穴時軍興日久民鮮知學乃

建康山書院置田畝以資膏火繼署養利州嚴拿土匪地方以安署左州篆未一年旋補思州州同煙瘴俸滿保陞知州委署西隆接滇黔素號難治苗民連年搆兵子廉竭力任台州肅然以此得廉明聲署柳城知縣甫兩月李巡撫秉衡檄調知甯明州甯明地界越南時方中外有事既視事措置得宜和議成隨 欽差鄧承修查勘邊隘勤勞半載不避艱險中瘴毒卒時光緒十二年十一月也宦囊如洗同寅飲助始得歸葬兩廣總督張之洞奏請從優議卹奉旨贈遺員子其球廕知縣

曾德昌字積圃新場人邑諸生成豐初髮逆居江南擾楚

吳川縣志卷七 人物 列傳 全

豫德昌投族人曾壯果秉忠營克復固始漢陽六安各城以功彙保五品銜藍翎卽補教諭後隨大軍攻

舒城陣亡次子允一都司銜官龍門守備俱採訪冊

林武烈塘萊人嘉慶初以吳川營外委留省捕洋盜有勳

墮雷白千總旋署香山守備四年隨黃總兵標巡洋

破賊礮傷左臂謝病歸未幾卒祀昭忠祠李勝源嶺頭人

以藍翎千總隨曾總兵敏行政岑溪賊巢同治三年被礮傷死亦祀昭忠祠又林迺恒白沙人以府經歷

從岑宮保毓英征勦雲南同治九年攻克河陽縣竹

園賊巢陣亡 贈鑾儀衛經歷李蕃霖嶺頭人以藍翎

都司隨馮宮保子材征勦交趾富平光緒六年陣亡

照游擊例 賜卹恒霖子均廢雲騎尉據檔冊修

詹茂山學堂人 林棟材茂名梅菜人寄吳川籍 黃世恩嶺頭街人 皆武弁

也道光十八年海口洋匪猖獗茂山以龍門千總奉大吏檄出師屢報捷遇大風全舟皆歿茂山死焉道光二十七年六月虎門水師會哨棟材以吳川營把總督帶長男標元偕礮洲東山各營合兵東上至陽江青洲洋颶風大作舟覆棟材父子及兵丁二十八人皆死焉世恩父周英咸豐四年以吳川營目兵解礮湖北返至韶關死於賊世恩補兵糧同治十三年以陽江鎮標儘先千總奉檄管駕馬溜洲釐務拖船八月十二颶風破船淹水死三人者事聞皆 賜卹

吳川縣志卷七 人中 列傳

如例採訪冊

陳嵩泉字吉光蘭植子江西候補知縣光緒六年 欽

差出使日本大臣黎庶昌奏帶出洋派任橫濱理事官積功保陞直隸州知州加知府銜十二年閏四月在差病故出使大臣徐承祖奏請從優議卹奉 旨 贈太僕寺卿銜廕一子入監讀書六月期滿以知縣

註冊歸部候銓據檔冊修

曾敏行字燮堂新塢人 少孤性放達喜交遊不事生產咸

豐五年往江南投游擊曾秉忠麾下効力轉戰濮陽固始六安等處旋克復九洑洲解湖州宜興圍又赴江北勦高郵股匪歷戰青浦涇廣富林松江先後

七年由把總積功至游擊同治元年調防練湖克復朱家角並章練塘擒斬無算隨總帶戰船兼辦營務處明年以復嘉定前功補參將加副將銜同統領劉偏修秉璋進攻楓涇時賊勢張甚敏行率所部戰船分兩翼夾攻親督中隊奮力直前賊退却乘勝平嘉善西塘鎮各逆巢蘇撫李鴻章上其功升副將十月嘉善踞匪撲西涇口督兵奮擊賊大潰三年正月師次塘滙督礮船環攻斬首五百餘級遂復嘉興府城四月假旋省親適江西匪逼粵粵督毛鴻賓巡撫郭嵩燾留敏行在粵防勦四年收復大墟古眉筋竹河洞等堡賊旋竄窺信宜城追至岑溪破其老巢擒賊

吳川縣志卷七

人物

列傳

七

首李河娘吳春標等復弋獲西甯逆首王狂七張大眼叙功以總兵升用閏五月馳勦廣西岑溪容縣股匪賊堅守放礮轟我軍兵不敢進敏行伏兵險要令採松枝數千把焚逼賊寨獲逆首陳祺李十五等復破木式老巢生擒逆首謝時秦陳社養等岑溪悉定遂移師南韶勦連平竄匪時髮逆汪海洋竄踞嘉應敘行會大軍長圍全股撲滅克復州城隨署南韶連總兵官七年五月爵閣曾國藩巡撫李鴻章追叙復宜荆溧陽嘉常城功奏入 賞提督銜旋署羅定協副將九年六月抵貴州黔撫曾璧光委帶練兵留黔補用十年督辦西路克復都勻興義各城平貴定等

處賊巢 賞鋒勇巴圖魯名號先是狃首金萬照盤踞新城十餘年提督周達武累攻不克敏行周覽形勢率部兵堵其糧道賊傾巢來爭伏軍突出擊之賊大敗使張定忠張發有詣營乞降敏行單騎入城說以利害金萬照曰公何輕身若此敏行曰我非不能戰勝攻取不忍數萬生靈塗炭耳賊眾羅拜願就撫諸軍反縱兵發礮逼寨逆首知忌敏行功者所爲使翼護之歸遂改降提營督撫交上其功借補平遠協副將十二年正月 命以提督記名簡放二月署威甯鎮總兵官九月丁母憂請假回籍曾璧光以轄境未清奏會敏行沉鷲端巖在黔多年戎功卓著到任

吳川縣志卷七

人物 列傳

吳

以來潔己自愛認真操防民夷畏服實營中出色之員得 旨留任辦事十三年督兵滅上下游股匪

賞穿黃馬褂光緒元年以克城勦賊全境肅清 賞頭品頂戴並換額爾巴圖魯名號先是威甯地經兵燹學校廢弛敏行捐俸建學興利滌弊紳民頌德勒石四年署古州鎮總兵官五年四月回籍補制遂不復出十八年七月卒於家年六十有六敏行軀幹雄偉果敢有智畧營陣整肅違法者雖親昵不少恕岑溪威甯俱設祿位尸祝之歷官所得之俸皆與兄均尤和易近人吐屬彬彬雅恂恂然有儒者風子啟基庠生候銓知縣

採訪冊

國朝翰林院編修番禺凌彭年題曾敏行像贊自古在昔先民有言立功立德不朽稱焉猗歟曾公爲時之彥弱冠從戎身經百戰我朝中葉巨寇猖披大江南北靡有孑遺惟時曾公應運而出終軍棄孺班生投筆有眾一旅志可成城殺敵致果其鋒莫撓大憝既平英名頓起業贊中興厥功惟偉民懷其烈帝嘉其功旂裳紀績鐘鼎酬庸紫誥頻頒黃封疊錫建節黔陽榮誰與敵居官十載威靖三邊功成則退長揖歸田簪紱辭榮林泉娛老福壽考終令名永保音容雖杳懿範長垂馨香俎豆昭示來茲

吳川縣志卷七

人物

列傳

九

